



明詩紀事

丙籤

張昇 一首

昇字啟昭南城人成化己丑第一人及第授修撰歷  
贊善諭德庶子以劾劉吉調南工部員外吉罷復官  
遷少詹擢禮部侍郎進尚書忤劉瑾謝病加太子太  
保致仕卒贈太子太傅諡文禧有集三十六卷

四庫總目張昇文禧集前有邵寶序謂此集本名柏崖  
集刻成而賜諡之命適至遂以名之明史本傳不言  
有諡或  
偶漏歟

與人話舊

丙籤卷六

邂逅逢君坐月輝泊舟柳下近山扉不知玉笛來何處吹起  
鄉心逐雁飛

董越 三首

越字尚矩甯都人成化己丑第三人及第授編修歷  
侍讀庶子太常少卿擢南禮部侍郎進南工部尚書  
卒贈太子少保諡文禧有集四十二卷

四庫總目朝鮮賦一卷明董越撰孝宗卽位越以庶子  
同刑科給事中王敞使朝鮮因述所見聞以作此賦  
又用謝靈運山居賦例自爲之法所言與  
明史朝鮮傳合知其信而有徵非鑿空也

重泛大同江

樓船重泛出通津細細晴波漾麴塵翠柳亂搖絲裊娜青山  
倒浸碧嶙峋壺觴又勸歸來客詩句難留過去春卻怪鳧鷖





似相識水濱沙際往來頻

送邵文敬 二首

思南太守我同年吏隱東曹筆似椽曾有清詩膾人口半江  
帆影落樽前

筆退如山未足多門闌鐵限尙來過不知萬里黔中地還有

山陰道士麼

邵珪 五首

珪字文敬宜興人成化己丑進士授戶部主事歷員

外郎中出爲嚴州知府有半江集六卷

麓堂詩話邵文敬善書工碁詩亦有新意如江流白  
如龍金焦雙角短之類又有半江帆影落樽前之句  
人稱爲邵半江聞變蘇書答之跋云子亦以蘇書戲  
效東曹新體邵誤以爲效其詩作依字韻抵子首句

丙籤卷六

二

日東曹新體古來稀此意茫然失所歸字掇坡書聊  
共戲詩於豈法敢相譏休誇屢襲才無敵未必葫蘆  
樣可依邵問碁場諸國手向來門下幾傳衣相與大  
笑而罷

堯山堂外紀邵半江一日題陳圖南小像云盤陀石  
上淨無塵岳色江聲共此身莫怪吳儂渾不醒百年  
俱是夢中人詩成求質於李西涯西涯給之日尙有  
一二字欠穩待予更之西涯乃默記竊爲己有先題  
畫上後邵公見之撫掌大笑

田接文敬以戶曹郎將出守思南李賓之陸鼎儀徐  
謙齋有送邵思南序倪舜咨有南園別意記賓之諸  
人有南園別意聯句云送客南莊秋色清羅縠酒杯  
花事總關情翠箔長材用事須爲郡希賢野興逢

人慣出城李東陽好憶行囊詩卷富倪岳還看雲道  
驛舟迎楊時暢黑頭太守黃金重富饒汗竹應垂干  
載名隲音文敬有留別詩云焚道山川非禹州壯懷  
都屬望京樓親分符竹承天寵遠藉珠璣託後遊古  
道未能忘一視宦情今已付孤舟迂疏滿貢羣公意

翻笑謀生拙似鳩竇之次韻云微外天留萬里州送  
君無賴倚高樓開將筆札供餘興盡閱江山壯遠遊  
紅樹夕陽深駐馬碧溪芳草漫隨舟人生巧拙渾閒  
事莫更重論鵲與鳩董尙矩亦有送別詩見前一時



翰藻紛紜其實文敬以半道丁艱去未嘗至吾  
黔也文敬在當時稱好事詩筆亦雅令蕭洒

### 觀杜氏假山

平生負奇癖愛山看不足十日陽羨遊曾未飽饑目驚看米  
顛家乃有此巖谷浮嵐似九疑幽思含湘竹靈源洞七澤春  
溜濕楚綠織雲起膚寸變態不可逐傳聞太華巔翦此玲瓏  
玉巨靈惜不得失守鬼夜哭焉知斃幾牛閒道歸應速當時  
蘇老泉卻詫枯楠木茲山迴奇絕屹然當我屋春來饒樂事  
遞賞壺尊續紀勝屬非才豪吟當刻燭但愧梅二丈吾詩豈  
堪錄

### 九鷺圖

江沱水落沙尾長蒹葭白露秋作霜蓼叢蓮葉亦蕭索渺渺

### 丙籤卷六

三

澄波秋有光晚風吹斷寒雲腳天高氣清入寥廓飄然白鷺  
從何來一樹梨花鏡中落倉皇兩隻殊苦飢窺見寒魚爭逐  
之一隻仍飛欲來止一隻偃宿何葳蕤其餘五隻紛離立相  
喚相呼隨所適日短江空意自閒應憐此地無矰弋嘆息良  
工多苦思滿堂風露秋淋漓夢斷江南渺何許撫視徒令楚  
客悲

### 無錫聽松寺復竹茶爐和秦武昌韻

此君只合對臞禪淪沒重經甲子年茗椀詩瓢情脈脈松風  
水月夢娟娟風塵瀕洞誰能識湖海歸來信有緣珍重武昌  
秦太守大篇珠玉爲誰傳

### 送宜興僧琛公



法藏寺前春草生，  
斬蛟溪上暮雲平。  
十年薄宦違清賞，  
此日送君空復情。  
社燕秋鴻浮世夢，  
煮茶燒筍石林盟。  
西風一葦滄江遠，  
看取東南佛日明。

寓新塘雜咏

夏雲重疊晚猶奇，  
江館追涼也自宜。  
欲放扁舟過別渚，  
荷花菱葉雨絲絲。

屠勳 三首

勳字元勳平湖人，  
成化己丑進士授工部主事，  
改刑部，歷員外郎，  
中南大理寺丞，  
進大理少卿，  
擢右副都御史，  
巡撫順天，  
召拜刑部侍郎，  
改左副都御史，  
復爲刑部侍郎，  
歷右都御史，  
進刑部尙書，  
忤劉瑾，  
引疾求

丙籤卷六

四

去加太子太保致仕卒，  
贈太保諡康禧，  
有太和堂集

六卷

田按康禧以政事名詩亦雅簡

遊西郭園池

遠山含雨黑雲稠，  
詩到林泉景更幽。  
野寺可能添一榻，  
水田應只欠雙鷗。  
風光入眼渾無賴，  
塵事驅人且未休。  
唯有杜陵豪氣在，  
盡將花鳥賦春遊。

再遊南山

門出清波一掌平，  
宜煙宜雨又宜晴。  
蒹葭漫漫下蕩日，  
遊絲裊裊輕蓬鳥。  
只疑雲咫尺，  
山好是畫分明。  
園林無地無春色，  
漫道東風不世情。



題蔣文藻扇

數竿修竹綠猗猗水石儵然物外奇  
誰遣林塘落君手畫圖相見一題詩

周瑛 五首

瑛字梁石莆田人成化己丑進士授廣德知州遷禮部郎中出為撫州知府改鎮遠歷四川參政擢布政

使有翠渠摘稿七卷

蒲陽文獻梁石文章渾深雅健有根底詩格調高古書初學晦翁變為奇勁田按梁石與陳白沙講學旨趣不合晚與黃未軒修興化府志持議亦抵悟自號蒲陽拘史詩擬古音節極合律絕亦饒風趣

猗蘭操

丙籤卷六

五

維山有谷露瀼瀼兮維谷有蘭揚孤芳兮我行四方荆棘蔽野採芳而佩知蘭實寡我思文武于鑄于豐欲往從之路阻不通吾道非矣掩袂漣洏與世違矣

邵武道中夜宿半山鋪

邵武城南路行行重苦辛高山雙倦足空館一愁人涼月照華髮西風吹敝巾長安一萬里何處是通津

早春出郭呈祁石肝

侵晨出郭喜聯鑣馬首人家入望遙雲暝孤城微見堞雪消春水欲平橋山田鳴雉麥猶短野箔初蠶桑未條經國有謀勞相度擬將封事上清朝

神樂觀張道士乞詩



金爐火煖養丹砂，滿院靈光含紫霞。  
野鶴不鳴春晝永，玉笙吹落碧桃花。

爲葉左參題畫

短短桃花點綠莎，輕輕白鳥下晴波。  
宛然西塞山邊路，只欠能詩張志和。

楊先溥六首

先溥字文卿，沂水人。成化己丑進士，官山西按察副

立石，使有沂川集，蘇軾衣冠無事歸蒼天。

賦幾筆

田按文卿詩有閒適之趣，覺柴桑風景去人不遠。

村居漫興

老去常昏飯，支離仗酒全。存亡驚故友，寒暑感流年。  
書映松

丙籤卷六

六

窗月茶烹土銼煙，一琴高挂壁陶令。任無絃。

六十

短髮垂肩白蹉跎，六十年乾坤歸老眼。  
歲月付癯禪，嗜酒劉玄石。耽詩孟浩然，採薇應亦足。  
無事祝蒼天。

春日村居

鋤罷園蔬又治田，陰陰榆柳蔭堂前。  
市沽頓積頻年債，午夢真成小洞仙。  
幾葉漁舟春水渡，一聲樵笛夕陽川。  
回思車馬紅塵路，卻恨歸來已暮年。

初歸

組綬勞生兩鬢星，歸來笑殺草堂靈。  
秋風蘿蔓迷樵徑，春水桃花失釣汀。  
澗洗久慚龜手藥，養生新買種魚經。  
等閒睡醒



茅檐日坐看山中草樹青

夏日即景

黃梅時節雨初晴半畝槐陰小院清卻怪山童驚夢覺午風吹送搗茶聲

春歸

酒肆逢春屢典衣一年無奈又春歸好花落盡桃千樹幾日

山人不啟扉

陳紀一首

白鹿山紀字叔振閩人成化己丑進士選庶吉士改監察御史歷陝西按察使進僉都御史巡撫宣府召為副都

圖御史

丙籤卷六

七

圖通寺

翠微雲樹擁亭院俯嗟戔路轉天梯上人從木杪過澗煙眠白鹿山雨濕青蘿應識禪堂近鐘聲向晚多

馮蘭一首

山人不蘭字佩之餘姚人成化己丑進士選庶吉士仕至江西提學副使有雪湖集

姚江逸詩佩之在京師與李西涯謝木齋三人雅相好木齋歸田與佩之倡和無虛日間書之以寄西涯西涯亦一和之有云惟兩時屢長得夢中遊又云羨君江海上有舊同遊是時西涯為一世宗工而於佩之敬為老友佩之西涯同有樂府詠史號為新體今西涯樂府已流傳佩之無有能舉之者矣詩札酬報澶淵劉應徵知餘姚縣事為刊湖山唱和詩二卷集中句可採者謝如嘉客不來虛掃榻好山難致即移家路當樹與雲深處舟及潮隨月上時野



色遙連晴樹杪秋聲忽動暮鴉羣樓臺月上寒雲盡  
村巷泥乾宿雨餘扶老最便方竹杖入秋卻愛早禾  
田馮如鏡裏流年從老去山中舊業得生還遠林返  
照明村落斷岸分流入海田絕頂夜晴先見日中峯  
春煖易生雲雨疏籬落菊開晚水涸湖田雁下遶秋  
晚菜畦依水種日斜村煙過鄰春雲中僧住茅茨屋  
雨後人耕斥鹵田沙淨雨苦無展齒竹深秋墅有棋  
聲雷遠忽作三更雨江海疑生六月冰燈火誰家無  
樂事江湖此夜有離人其  
詩頗難優劣洵同調也

贈鍾欽禮

一笑天顏豈偶然清癯眞似老神仙更教歸去應勞夢何止  
呼來不上船城市已無蹤迹到江山合有畫圖傳蕭蕭短髮  
寒吹帽載鶴西湖雪後天

田按欽禮以繪事徵值仁智殿孝宗常  
以老神仙呼之此詩首二句紀其事也

丁鏞 二首

丙籤卷六

八

鏞字鳳儀上元人成化己丑進士授南刑部主事歷  
員外郎中出爲興化知府有石厓集

田按鳳儀耽詩尤愛佳山水生平多出宿山寺栖託  
清曠焚香對書頽然自適出守興化能折疑獄推爲  
神明金陵詩徵第錄一詩不足見所長余  
從周翠渠弘治興化志獲詩數首亟登之

遊廣化寺

嶺路肩輿側側行寒泉決決映衣明蒼松蟠屈歲華古白鳥  
高飛羽翼輕題字暫留遊宦蹟看山少緩故鄉情前年記得  
登牛首石磴分明雲際橫

重遊廣化寺

山與石崖叟豈應有夙緣愛山有佳句時時崖上鐫

月峯院



青山碧樹一重重  
偶爾看雲到月峯  
卻悔塵緣消未盡  
那能長聽上方鐘

曹時中一首

時中名節以字行  
松江華亭人  
成化己丑進士授刑部主事  
歷浙江按察僉事  
改雲南進浙江副使

雲間志 暑時中喜爲懷素書與吳門沈石田不識面而詩筒往來不絕一夕夢與石田執手永訣不數日而訃至錄石田曩所寄詩若干篇爲神交集

雷嵩

夜雨桃花漲春風楊柳灣  
數船燈火亂知是打魚還

李晟一首

晟字孔陽濮州人  
成化己丑進士授監察御史  
改本

丙籤卷六

九

院照磨終郎陽同知

寄彭總戎

昔年曾出玉門關  
帝命重來鎮黑山  
宛馬盡輸龍種至  
番城無警虎牙間  
籌邊方叔心逾壯  
草檄陳琳鬢已斑  
枹鼓不鳴胡騎遁  
將軍塞上射鵬還

呂憲一首

憲字秉之秀水人  
大學士原子  
以蔭授中書舍人  
乞與試中成化辛卯舉人  
歷禮部郎中  
南太僕少卿遷

南太常卿有九柏存稿六卷

田按九柏詩質慧少韻特劬於學與劉文和子銳並稱於時

送崇信伯奉使還朝



開國風雲委慶長使還龍節正煌煌館甥初識汾陽第揖客  
能容汲黯狂甕裏葡萄淨大白廡中苜蓿飽飛黃朝廷一飯  
思頗牧忠孝毋忘守四方

李仁傑 一首

仁傑字唐英莆田人成化壬辰第三人及第授編修

漁梁遇雨

西風秋氣冷況復雨淒淒烏道藤蘿濕人家煙火迷雲深川  
谷暝溪漲野橋低對此堪惆悵孤猿何處嘯

文林 二首

林字宗儒長洲人教諭洪子成化壬辰進士除永嘉

知縣改博平遷南太僕寺丞出知温州府有文温州

丙籤卷六

十

集十二卷

答啟南見寄

綠水縈紆四山周山深雲合叫鞦韆坐吟春草思靈運卧看  
飛鳶感少遊竹馬愧非前度客虎符空縮一方憂因君更重  
鄉關念滿目煙波怕上樓

李少卿貞伯寓龍泉菴奉懷

美人掉首西山去談笑何由一霎同多在紫薇泉石畔煮茶

暢飲落花風

鄧庠 二首

庠字宗周宜章人成化壬辰進士授行人遷監察御

史出爲河南副使進接察使歷廣東廣西布政使擢



右副都御史總督南京糧儲改巡撫河南遷南右都御史就拜南戶部尙書有東溪稿十卷

田按尙書無詩名而五字詩特疏爽

游泐溪石室

頻年役簿書偶此息塵鞅出城松徑陰刺水秧鉞長驕陽蒸初夏漸有踏冰理想石室泐溪上一竅透天盜襄公吃崇碑樂事傳自曩曲竇遠禪牀張炬窮幽賞苔痕步履輕巖溜琮琤響出洞濯清風儵然天籟爽可當眞都遊佳境幸無黨

蒼梧江行

殘雨滴疏梧蒼江水墨圖暮雲迷島嶼沙鳥宿菰蒲路險憂羣盜民貧望賜租王師何日下一爲掃榛蕪

丙籤卷六

七

楊榮一首

榮字時秀餘姚人成化壬辰進士官工部主事有和

唐音

詩談揚時秀和唐音煞有風致姚江逸詩都水工於詩會試舟中取唐音和之月餘成帙書學懷素尤善畫竹

號宮送河丞市馬

野色正蒼蒼秦山半夕陽雕弓雙羽箭寶劍百金裝夜月臨關白秋雲壓塞黃君休市干里當亡漢文皇

高昂

二首

昂字尊卿莆田人成化壬辰進士官六安知州有和

唐鼓吹集



田按楊時秀和唐音高尊卿和唐詩  
鼓吹一時風尙爾爾高詩較楊工甚

凌歊臺和許渾韻

歌舞三千夢不回春風依舊掃行臺  
青山似怨蛾眉老芳草會承翠輦來  
離燕有情還自語野棠無主爲誰開  
斷碑文字多零落猶自摩挲玩古苔

長洲懷古和劉滄韻

獵獵西風吹劫灰荒基猶是舊樓臺  
長江無際青山出返照微明白鳥來  
壓酒吳姬還解笑行吟楚客不勝哀  
停車欲問前朝事淺渚蘆花幾度開

胡超一首

超字彥超湯溪人成化壬辰進士官工部員外有恥

丙籤卷六

三

菴稿

咏懷

東籬有佳菊淡然幽素姿終懷林壑韻  
不生桃李時亭亭白日晚湛湛寒露滋  
寂寞冰霜後此意竟何爲

林壘一首

壘字世調閩人成化壬辰進士歷吏部郎中終廣東

布政使有雙松集

潯陽驛

潯陽江上日初斜蕭瑟西風亂荻花  
隱隱菱歌起愁思月明猶似訴琵琶

蕭顯一首



顯字文明山海衛人成化壬辰進士授兵科給事中  
出爲鎮甯同知改衢州遷福建按察僉事有海釣遺

風

田按文明在諫垣有直聲上疏陳時政斥神奸左道  
語甚激切出官鎮甯同知馬東田寄詩云聊復題詩  
寄遠人天涯一別幾晨昏立都觀裏非前度武德年  
中有讜言瑣闥尙懷同出入瘴鄉深喜獨生存始知  
去住皆君賜莫道南遷不是恩

題小景

碧樹俯清流高人愛獨坐讀罷發長吟不知斜日墮

張敞一首

敞字兼素吉水人成化壬辰進士授涪州知州擢後

軍都督府經歷以言忤旨謫石州知州改師宗

內籤卷六

三

儀真述懷

親見朝廷政令新小臣私計轉憂民一言真忤九重聽萬死  
猶存七尺身沙上白鷗閒笑我鏡中華髮苦催人十年揚子

江三渡今日何須更問津

姜南風月堂雜識吉水張敞任涪州知州清介公明  
不畏權貴擢都督府經歷時見素林公俊爲主事以  
忠諫下獄敞上章救之亦逮下獄三原王端毅公時  
爲都御史疏言二人忠亮勸上納諫旌直以隆治道  
宜復俊敞職以慰天下之望上怒解二人皆謫外補  
敞得石州尋改師宗行至儀真述懷云云一時傳誦  
之



明詩紀事

貴陽陳 田輯

丙籤

謝遷一首

遷字子喬餘姚人成化乙未第一人及第授修撰歷  
諭德庶子少詹兼侍講學士入閣參預機務進詹事  
擢兵部尚書東閣大學士加太子少保太子太保改  
禮部尚書進武英殿大學士少傅兼太子太傅請誅  
劉瑾忤旨致仕除名瑾誅復職再致仕起戶部尚書  
兼謹身殿大學士贈太傅諡文正有歸田稿八卷

四庫總目謝遷文集全稿嘉靖中倭亂被燬歸田稿八  
卷乃其致仕以後及再召時所作也集中奏疏類多

丙籤卷七

晚年陳謝之作凡在朝時嘉謨論均已無存卽史  
所稱請罷選妃嬪禁約內官諸疏亦散失然遷當歸  
里以後正劉瑾焦芳等挾怨修劄日在危疑震撼之  
中而所作詩文大抵詞旨和平惟眷寄江湖魏闕  
之思老臣憂國退不忘君讀此一編已足以知其忠  
惓矣

王荃震澤紀聞成化弘治間翰林聲望最重者吳寬  
次則謝遷兩人皆狀元及第儀幹修整寬温粹含安  
選明暢亮直寬詩文俱有古意遷亦正之故一時並  
有公輔之望遷入內閣十餘年號能持正不失爲賢  
相時劉健爲首相遷數言寬當入閣健曰待我去用  
之他日又以爲言又曰待我去用之遷爭之不得至  
聲色俱厲健但笑而已  
皇甫庸近峯聞畧弘治乙丑大學士木齋謝公乞致  
仕薦吳文定王文恪二公以代已言極懇至一時恬  
讓之風感動中外  
田按木齋以忤劉瑾致仕瑾意叵測人皆危之木齋  
曰天佑皇明我當無他不見劉元城之事乎處之裕  
賦詩可謂雅量

習靜



一塵不到水邊亭掃石焚香畫掩肩方沼萍開魚掉尾高崖  
松動鶴梳翎窗臨絕澗涵虛白山隔重湖送遠青更是晚來  
羣動息空庭仰卧數流星

王整 十二首

王整字濟之吳人成化乙未第二人及第授編修歷侍  
講諭德少詹兼侍講學士擢吏部侍郎入閣參預機  
務進戶部尚書文淵閣大學士加少傅兼太子太傅

贈太傅諡文恪有震澤集三十卷

烏衣佳話吳中落花詩自沈石田起一詠三十律一  
時詩人倡和者斐然至有和韻者未免東坡搗辛之  
謂王文恪公詠落花絕句云魚鱗滴地雪斑斑蚺忽  
蜂愁鶴慘顏只有道人心似水花開花落總如閒觀  
此詩一洗山林陳腐之陋奚以多爲  
田按文恪以文章名一世集中七言律絕格調風致

丙籤卷七

竟爾不凡

贈梁都憲巡撫四川

赤甲白鹽雄作鎮鐵冠繡斧凜先聲雪山已爲來時重黑水  
應聞去後清殿上位虛中執法邊頭人散小團營憑誰說與  
蘇明允畫像無煩記姓名

送吳編修克温歸省宜興

玉堂退直幾相從蒼筤薰鑪坐晏春遠別芳洲生杜若清詞  
秋水出芙蓉交情淡愛周公瑾宦況輕懷邴曼容問罷起居  
還就道渭陽雲樹思重重

送同年俞副使之四川兵備

控帶西南坐上遊安危須共主分憂蜀人到老懷張詠邊計



從前仗武侯地遠烏蠻耕更早天高白帝鎮橫秋雪山不見  
南來雁書寄同年幾日收

送僧方冊歸善權寺

荆溪東望夢陵嚙欲訪坡翁惜未能今日上人飛錫去西風  
誰與攝衣登洞涘玉帶追仙李泉落銅棺漱古藤他日三生  
堂外見山人應訝我來曾

姪延學作亭湖上

幾醉池亭雪色醪近聞亭子勢尤高白鷗不避新翻曲黃鳥  
時窺舊賜袍波影半簾雲滉漾山嵐四面畫周遭我來湖上  
題詩句禿盡山中秋兔毫

望陽山

丙籤卷七

三

青谿欲盡轉逶迤卧對陽山舟自移聞有高人何處住白雲

紅樹影離離

春日山行

風輒波平一鑑開湖山重疊見樓臺萬株晴雪懸崖裏只爲

梅花也合來

此詩亦見文  
森中丞集

丹陽孫思和訪余于洞庭詩以送之

玉柱金庭未易尋飽看七十二瑤岑太湖多少閒風月歸對

金焦盡日吟

答胡太守孝思次韻

太湖三萬六千頃七十二峯煙雨中畫船五宿澄波裏千古  
風流始屬公



王弼七首

弼字存敬黃巖人成化乙未進士除溧水知縣遷刑部郎中出爲興化知府有南郭集

林俊見素集南郭逸才橫發壯思雄飛出入韋柳蘇黃宋筋唐響通其正變

三台詩錄南郭詩才思豪逸後師山谷多拗句造思頗苦自謂不如是不足以遠甜俗一派

田按南郭治興化稱循吏詩如同甘諫果正味森森

二馬圖爲陳明之題

壯哉陳明之有此兩玉驄一驄色作葡萄錦一驄雪尾雲爲  
鬃咄哉明之此非畫兩胡碧眼睛相射手中綠繩三尺捶人  
馬意態俱閑暇燕郊二月沙草春淡風豔日開煙塵兩龍浴  
罷桃花水迴視八極生精神十年侍朝未央殿西北貢馬尋  
常見驚駘豈有仗下材空勞萬乘臨軒看有如此圖誠不多  
舉足萬里無山河試令放馳九折坂定與飛鶻爭先過神物  
不受人間役冥冥天意應相屬明朝卷軸送還君莫使春雷  
驚我屋

賞梨花用東坡梅花韻

缺月掛在城南村百花黯慘無精魂開眼東闌一株雪清光  
回晝寒燈昏牽衣昨夜走相覓風物雖好非吾園盤龍小椀  
破春夢主人顏色如花溫歸來展轉久不寐縞衣月淡扶桑  
瞰今宵又作省中宿相思復欲來呼門露華颺颺鬢腳冷主  
人不出花無言明當掃拂花下石我欲往置雙清尊

神樂道院分詠枸杞



簇簇紅霜映石壇高標留借野人看風光牽挽藤三尺秋色  
扶持竹半竿本草性涼消內熱仙家味苦帶儒酸向來肺爲  
憂時渴欲卧籬根待一餐

次韻陳一夔清明感懷

公詩常切故園悲不耐紅塵帽底吹上已風光依例好中年  
情況自家知勝遊準擬隨輕策貧具惟應有伏雌明日城東  
濯纓去平泉石上送青時

四月十四日德州官廨見薔薇花盛開有感明日道間

又聞鶯聲宛轉在樹陰中不勝淒惋賦此自遣

昨朝苦被薔薇惱今日重聞黃栗留飄轉客身殊未定闌珊  
春事不勝愁青林氣重迷征旆迴野風銛憶故裘傳節漸更  
家漸遠無憑歸夢付東流

丙籤卷七

五

便面

竹裏幽亭是我家門前白水浸平沙釣船順放中流下袖手  
船頭看浪花

彭綱一首

綱字性仁清江人成化乙未進士授兵部主事遷員  
外出知汝州擢僉事遷雲南提學副使有雲田集

詠刺桐花

樹頭樹底花楚楚風吹密葉翠翩翩露出幾隻紅鸚鵡

升菴集古有三句之詩意足詞賡盤屈於二十一  
字之中最爲難工獨檢前賢詩不過四五首而已岑之  
敬嘗墟內云明月二入照花新當墟十五晚留賓四  
眸口萬橫自陳最爲絕唱唐傳奇無名氏春詞云楊



柳裊裊隨風急西樓美人春夢中繡簾斜捲千條入  
宋謝皋羽寄鄧牧心云杜鵑花開桑葉齊戴勝芊生  
藥草肥九鎖山人歸未歸洪武中詹天驪寄山中友  
人云桂樹蒼蒼月如霧山中故人讀書處白露濕衣  
不可去又古步虛詞云三十六天高太清元君夫人  
蹋雲語吟風曉曉吹玉笙近日雲南提學彭綱詠刺  
桐花云云亦風韻可愛也刺桐花雲南名爲鸚哥花  
花形酷似之彭公此詩本四句命吏寫刻於匾遺其  
對人一句復誦之自覺意足乃不更  
改余聞之晉甯待御唐池南云

馮源一首

源字仲山長洲人成化乙未進士授工部主事遷兵  
部郎中出爲廣東參政遷湖廣布政使擢右副都御  
史巡撫山東有瓜涇集二卷

笠澤

娟娟月一川杳杳笛三弄釣艇入蘆花驚破鳧鷖夢

丙籤卷七

六

文貴一首

貴字天爵湘鄉人廣甯左屯衛籍成化乙未進士授  
御史累官布政使擢右副都御史巡撫延綏進兵部  
侍郎兼左僉都御史提督宣大軍務

還湘上故里讌集褚公祠

馬邑龍堆白草肥牙旌高捲塞鴻稀還鄉爲報浮湘客飛鳥  
依人已倦歸

朱訥一首

訥字存仁寶應人成化丁酉舉人除鄞縣知縣改長  
陽再改江陵

燕



三月巢乾雛未成茅堂來往日營營說殘午夢千聲巧剪破  
春愁兩尾輕官柳陰濃金鏤合水芹香細綠波晴畫闌十二  
無人倚一半梨花一半鶯

萬綸一首

綸字允言永昌人成化丁酉舉人除武岡學正遷長  
史有西窗集

雜詠

謝卻紅塵二十年歸來林下興悠然小橋流水通雲谷老屋  
青山繞石田野杖斜穿花徑雨釣蓑輕帶柳溪煙誰言光景  
西山薄自有金丹可斡旋

楊守陞一首

丙籤卷七

七

守陞字維立鄞人成化戊戌第二人及第授編修遷  
南侍讀召修實錄遷侍講學士擢南吏部侍郎加尚  
書致仕有碧川文鈔二十九卷

曹學佺石倉詩選成弘時人文爲盛而公家爲尤盛  
文懿起於前公與康簡廣之一時羣從登朝者六人  
公譽望尤著而歿後易名之一時羣從登朝者六人  
翰林時適遇朝廷一日問升傳奉官四十員科道上  
章因下詔獄六十員言路一空公移書當輔謂當極  
力申救不宜作缺更補語甚切直而當軸者不能從  
吳門沈啟南爲作詩以侈其事始大忿恚陰構之於  
新都楊公謂已推轂新都爲東宮講官而不及名  
此爲憾新都領之未幾公與當軸者俱逝疏請易以  
而新都兩靳之云石田詩板當時已被毀其續集刻  
無此詩謹拈此  
段以備採擇

孝陵恭謁有述

淮海龍飛入建康金戈鐵馬淨櫓槍不階尺土興如漢盡復



華風治邁唐三紀衮衣明日月萬年陵寢肅風霜小臣瞻拜  
祠宮外惟見參天樹色蒼

楊廷和 一首

廷和字介夫新都人成化戊戌進士選庶吉士授檢  
討歷修撰侍讀中允春坊大學士少詹詹事入東閣  
典誥敕遷南吏部侍郎進南戶部尚書召還除戶部  
尚書進文淵閣大學士參預機務改吏部屢加少保  
太子太保少傅太子太傅少師太子太師進武英殿  
大學士再進謹身殿華蓋殿以議禮削職爲民隆慶  
初復官贈太保諡文忠有石齋集八卷

送神武蔡千戶致仕還湖州

丙籤卷七

八

神武挂冠歸舊隱赤松相伴話長生太湖合是逃名地畫舫  
絃歌自在行

劉忠 五首

忠字司直陳留人成化戊戌進士選庶吉士授編修  
歷侍講侍讀學士掌翰林院遷南禮部侍郎進尚書  
改南吏部召還拜吏部尚書兼文淵閣大學士參預  
機務加少傅兼太子太傅進武英殿大學士贈太保  
諡文肅有野亭遺稿八卷

田按太保不以詩名七  
言斷句有古人風調

內進元宵詩 二首

太乙祈靈陋漢風上元遺俗古今同君王崇孝排淫祀移取



熬燈壽兩宮

寶月華燈繞殿廊九重歡進萬年觴東風似解同仁意吹送笙歌出禁牆

明皇擊毬圖

我勸韓公諫且休多言不是殿頭謀范陽場上逢盧李蹴踘神州等一毬

宋故宮

二帝龍遊真不返山河回念舊神都格天閣上人凝望曾有飛鴻繫帛無

趙子昂苔溪圖

清詩寶墨浙東西宋室宗臣漢獻齊欲上汴州觀良嶽風光

應否似苔溪

梁儲一首

儲字叔厚廣東順德人成化戊戌進士選庶吉士授編修歷侍講洗馬學士少詹擢吏部侍郎進尙書以事降侍郎尋復職加太子少保調南吏部召還以吏部尙書兼文淵閣大學士入參機務屢加少傅太子太傅少師太子太師進建極殿大學士再進華蓋殿大學士贈太師諡文康有鬱洲遺稿十卷

留都吏部公讌

故人交誼重南金畫省風流許重尋千里雲霄遠比翼十年江漢阻知音祥鸞自合歸阿閣倦鳥惟思返故林多謝北堂



今夜月後來應照我還心

林俊 六首

俊字待用莆田人成化戊戌進士授刑部主事遷員外以事下獄謫姚州判官遷南刑部員外擢雲南按察副使進按察使改湖廣引疾歸起廣東布政使不起起僉都御史督操江改巡撫江西進右副都御史改四川遷右都御史致仕起工部尚書改刑部加太子太保致仕卒追論議禮削職隆慶初復官贈少保諡貞肅有集五十四卷

四庫總目俊詩多學山谷後山頗多隱澀之詞而氣味頗能遠俗

藝苑卮言林待用如太湖中頑石非不具微致無乃癡重

丙籤卷七

十

田按尚書詩晦澀者不必言時遇  
疏豁者如絕壑疏林別有風景

題松雪山水

山水何人稱絕奇吳興松雲老畫師鄭虔祁岳不足數前身合是病王維與可胸中有成竹此老林壑故不俗輕綃落筆百態生奇形遠勢相追逐長松自昔參天材疏髯碧淨無氛埃脩然茅屋二三子衡門靜掩荒蒼苔祖跣無營百事拙竹裡漁舟卧秋月壯歌激越遶空翠散亂白波舞晴雪老子家住雲水鄉披圖見此心如狂藤蓑穩著賦歸去倚天一笑江茫茫

夏頴

日長了官事倚杖大溪濱沙石淨臨水煙花閒度春科頭風



到竹招手鶴隨人茅屋青邱晚漁樵感卜隣

題清上人山房

亂松深古寺衰謝白雲期生滅慧燈靜晴陰疏磬知檐虛江  
色遠日薄烏聲遲錫杖西來意曹溪亦幾枝

翠亭草堂

名家傳筆格處士接丰標泉石境難畫耕漁興可招杜門消  
短日飽飯答清朝引鶴西湖路春風第二橋

和韻

細柳新蒲綠映溪釣船閒與鷺羣棲覓來野火晚煨蕓踏碎  
山雲春拾藜流水不緣催老去飢烏似欲向人唳石牀對月  
清難夢起步星河又轉西

丙籤卷七

十一

仙遊

紆徑層巒鳥道蒼煙碧水人家石澗每含山雨溪深時放桃  
花

陳章一首

章字一夔松江華亭人成化戊戌進士授刑部主事  
歷員外郎中擢湖廣按察副使未行降瑞州同知遷  
高州知府改黃州有西潭稿

楊循吉七人聯句詩記陳一夔好作詩醞釀典則時  
有真詣語如秋懷云人老漸驚生白髮家貧未辦買  
青山余以爲自然妙句君語余公作語須發得自家  
意思出乃佳余人有此意口不能道得君言遂添一  
悟境

田按一夔在刑部時與屠元勳林待用陳匯之秦廷  
贊王存敬趙栗夫相倡和其勳於高州也王存敬哭  
以詩云別路同攀春柳條聞君秋駐海南輶書來自



空宇南 喜州無瘴運去那知鬼作妖子建詩雄空蓋世宗元  
謫死不還朝黃梅嶺外鞫鞞雨零落殘魂誰與招

賈島峪

故庵尚在青山裏卻說長安片瓦無早有詩名驚吏部勸加  
巾服變浮屠回看全賀風斯下上接岑王道不孤我獨愛君  
詩瘦健推敲想亦費工夫

李韶一首

韶字□□富順人成化戊戌進士歷工部郎中擢雲  
南參政遷江西布政使

秋浦

秋浦生晚煙蟬聲在高樹時見打魚人來喚斜陽渡

黃文琳一首

丙籤卷七

七

文琳字潤玉莆田人成化戊戌進士

見梅花有懷

梅花初破臘千里憶同心欲寄憐途遠將攀愁雪深煙生極  
浦晚日落半溪陰倚闌情無限淒然望碧岑

鍾璫一首

璫字良玉永豐人成化戊戌進士除咸甯知縣有蛩

秋漫稿

題南山觀壁

南山遠勢連空同山下樓臺煙霧中東海仙人影在壁月波  
道土顏如童嵐光和雨滴春翠丹氣浮天接夜虹憑高一笑  
空宇宙俯視下土塵濛濛



林廷選 一首

廷選字舜舉長樂人成化辛丑進士授蘇州推官遷

監察御史出為浙江僉事進副使歷廣東按察使布

前高麗政使南大理卿以右都御史總督兩廣拜南工部尚

書有竹田集

泊蘭溪

縣枕青山驛傍溪行蹤已徧浙東西高林樓閣畫圖出繞郭

峯巒屏障低相燭迎春金縷字香醪過夏甕封泥泊舟不寢

思鄉切坐聽灘聲并鳥噉

趙寬 一首

寬字栗夫吳江人成化辛丑進士除刑部主事歷員

丙籤卷七

三

外郎中出為浙江提學副使遷廣東按察使有半江

集

田按栗夫集名半江邵文敬亦名半江詩品略相似

觀蕭淩漢所藏東坡題識文湖州墨竹

霜縑閱世五百年鵝黃半落浮殘煙光搖翡翠秋娟娟怒蛟

蹶張虬盤旋漠漠遠水連長天錯刀剪玉聲戛然誰哉置我

冰崖巖織肌發粟思重綿坡翁老可骨已仙何事突兀參吾

前高風逸韻橫八埏欲攀其鬣手攀拳昨夢明月生玉川

張吉 一首

吉字克修餘干人成化辛丑進士除工部主事以言

事謫景東通判遷肇慶同知歷梧州知府廣西兵備



副使擢貴州布政使有古城集七卷

暮投上葉村

白妥紅殷翠欲勻小園猶見未殘春盤中細蕨兼新筍卻喜  
山家風味真

盧格

二首

格字正夫東陽人成化辛丑進士除貴溪知縣擢江

西道御史有荷亭集

田按劉念臺荷亭集序稱正夫令貴溪多惠政以母老乞歸築荷亭三楹鍵戶不出奉養外日取古人書讀之所著荷亭辯論十卷與朱子異同十六七誠明辨之士也詩亦有風格

江行

夜闌酒初醒風物無限情松壑發靈籟蘭槳擊空明徘徊復

丙籤卷七

十四

徘徊懷抱一時清

西湖

十里湖光綠染衣滿船燈火夜忘歸憑誰寄語林和靖近歲  
梅花學雪飛

葉元玉

一首

元玉字廷璽清流人成化辛丑進士歷戶部郎中出

爲潮州知府有古厓集

次高郵湖

湖水漫漫無畔岸風波日日有人行輸他林下幽棲客閒看  
梅花破雪清

方向

一首



向字與義桐城人成化辛丑進士授南戶科給事中  
以言事謫多羅驛丞後官瓊州知府

山中雜咏

薄雲不成雨山中有餘白月光墮尊酒照我衰顏色舊交日  
已遠芳時坐來歇惆悵平生懷今夕竟何夕

鄭琰一首

琰字仲璧莆田人成化辛丑進士授南禮部主事遷  
郎中有蝸笑集

將進酒

我有斗酒甘如飴何以斟之金屈卮青髯倏忽成白髭今我  
不樂日月馳君不見三閭大夫號湘纍獨醒不肯啜其醪身

丙籤卷七

五

後虛名徒爾爲爭如隴西李謫仙醉騎鯨魚飛上天

彭甫一首

甫字原岳莆田人成化辛丑進士累官廣西提學僉  
事有忍庵集

題畫

暮雲收盡青山出靈籟數聲風動松鷗鳥無心自歸去卧看  
明月上孤篷



明詩紀事

貴陽陳 田輯

丙籤

邵寶 七首

寶字國賢無錫人成化甲辰進士授許州知州入爲  
戶部員外郎歷郎中遷江西提學副使歷浙江按察  
使進布政使改湖廣擢右副都御史總督漕運以忤  
劉瑾致仕瑾誅起巡撫貴州遷戶部侍郎進南禮部  
尙書卒贈太子太保諡文莊有春容堂前後集三十  
四卷續集十八卷別集九卷

四庫總目寶詩清和澹泊能抒寫性靈  
田按文莊詩格不衍其蘊藉入古處則學爲之也在

丙籤卷八

茶陵詩派中不  
失爲第二流

送僧圓顯住慧山寺

寺據諸山會公因一檄來夢驚松閣雨歸掃石床苔得主憐  
西社遺書釣北臺野雲心迹在古洞傍泉開

二三道中

人行松徑靜數里不知遙路轉還逢寺僧迎只過橋岩姿收  
獨妙泉響息羣囂東去頻回首山花似我邀

重登松風閣

天風滿榻坐參禪上有松聲下有泉高閣重來三紀外老僧  
誰起百年前茶爐夜濕曇花雨畫壁春銷劫火煙最是瀧岡  
猶未表北山回首思潛然



山中懷楊儀部

未得登君野性堂  
兩年清夢獨難忘  
笑談每怪逢僧懶  
文字猶嫌應客忙  
山月挂松真灑落  
海雲迎鶴更昂藏  
吳天楚地同秋水  
老盡蒹葭一夜霜

贈周山人

曉起空庭月在松  
慧山寺裏初鳴鐘  
詩翁見訪來何早  
第七峯前一短筇

贈錢校書

夫椒山前孤草亭  
水風吹月秋冥冥  
客來鶴去主人返  
返七十二峯湖上青

泊儲潭

丙籤卷八

儲潭廟前春水深  
春雲帶雨晝陰陰  
撞鐘擊鼓禮神去  
一十入灘行路心

儲讎十四首

讎字靜夫泰州人  
成化甲辰進士授南吏部主事歷  
郎中改北遷太僕少卿進本寺卿擢右僉都御史總  
督南京糧儲召拜戶部侍郎引疾歸起南戶部侍郎  
改吏部嘉靖初諡文懿有柴墟集十五卷馴野集一

卷

容春堂集柴墟詩渾雄跌宕洒落清遠風雅遺音公

蓋有之

靜志居詩話文懿掉鞅詞場與楊君謙徐子仁杜樾  
居祔契君謙嘗題扇寄之文懿愛惜緘題字未開視  
也一日子仁櫻居過出扇作畫文懿以題詩寄君謙  
云爲惜緘題入手遲清風千里故人思畫成一事知



還欠封寄江南乞寫詩亦藝林韻事也  
田按柴墟以西涯爲師空同爲友故詩力雄厚迥異  
之體

廷章文光邀遊龍潭寺賦謝

蒼山宛龍蟠南棹琅琊尾潺潺兩崖間一縷行如蟻崎嶇度  
澗杓蒼莽拂林卉何年鑿靈巖佛閣擅雄偉長年環滁思江  
介浮一葦及茲借良遊落落故人幾肝腸苦雕琢鬢髮銷讒  
誹歷覽石上題留詩吊山鬼兩公廊廟具名姓在丹扃空山  
豈久留且醉月生肥

過玄武湖

北山飛翠凝吾杯舟人舉棹相徘徊城隅振舵踏冰入船底  
軋軋聞春雷霜風吹衣衣欲裂湖天泱泱疑飛雪司空勸飲

丙籤卷八

三

夕郎酬始覺微酣生頗熱中流咫尺冰盡開沙禽水鳥忘驚  
猜新洲昨夜梅花發暗香偏逐詩人來湖波爲帶城爲被冊  
府圖書真得地堪笑前朝建此都只將山水供遊戲鍾山龍  
蟠幾百里下有龍宮藏劍履山中老樹盡成龍夜夜飛來飲  
湖水湖波直與銀河通昔城一派垂晴虹柏梯高寒石梁迴  
十洲三島神仙宮長堤隱隱湖心路隄上行人自來去春風  
楊柳夏芙蓉換盡年光顏色故世間萬事如雲煙湖光山綠  
只依然不及湖中魚與鳥涵泳恩波今百年

清源舟夜

十年三往復此地忽重經塵土長安夢煙波汶水船平川涵  
夕景遠樹隱春星魯酒偏難醉從人笑獨醒



彭城有懷

清夜棹歌發，高秋客思生。  
綿鄉國夢，歷歷水雲程。  
老樹危蟠石，衝波怒嚙城。  
白門樓上月，偏傍海東明。

金臺

萬里長風動，薜蘿眼中燕。  
趙共山河越，程未辦登高。  
賦問俗猶傳，擊筑歌喬木。  
幾經荒塚盡，斜陽偏傍故臺多。  
黃金不解縱橫厄，疑有冥鴻避網羅。

大房金源諸陵

長白山高朔漠連，金源風致故依然。  
千秋魂魄猶思沛，萬里邱陵卻到燕。  
感事重翻江統疏，傷心莫問靖康年。  
幽蘭一曲雄圖歇，汝水悠悠入墓田。

丙籤卷八

四

再次盤山峯字韻答恆叔治中

羊腸空曲倚連峯，上有燕人避世蹤。  
樂土不煩沙嶺戍，廢垣曾傍石門封。  
雲中秋興歌黃鶴，天際江聲瀉黑龍。  
見說漁陽豪俠地，田疇栖處有誰從。

餘隸屢卜居未遂

僦屋都城已十年，移從東陌復西廛。  
傍人門戶終低首，老我風塵未息肩。  
江海故墟三畝宅，歌鐘甲第萬緡錢。  
一枝應被林鳩笑，今在長安若箇邊。

次克溫南宮賞魏花

南宮花發滿朱闌，對酒先判十日看。  
彩筆舊傳才子夢，青綾誰道主人寒。  
明粧向晚圍紅燭，妙舞迴春試翠盤。  
空馭花枝



無好句東風應笑客衰殘

次韻謝武靖伯惠茉莉茶

茉莉香浮碧椀新  
槍旗猶帶建安春  
何人更汲中冷水  
來餉松廳病暑人

過西墅看竹

雨後初分一畝涼  
西園合有墨君堂  
籜龍不用愁斤斧  
坐看新梢百尺長

郊行

凌競瘦馬踏春泥  
雪後郊原綠未齊  
一抹午煙風隔斷  
野雞聲在竹林西

村舍前杏花爛開

丙籤卷八

五

錦樹成團爛漫春  
毀垣荒舍未全貧  
碧雲欲合斜陽淡  
最是無言更惱人

題極樂巖龕

老樹輪囷怪石棱  
鳥鳴猶在白雲層  
山中歲月非人世  
輸與巖龕打坐僧

喬宇一首

字字希大太原樂平人  
成化甲辰進士授禮部主事

改吏部歷員外郎  
中遷太常少卿光祿卿擢戶部侍郎

進南禮部尚書  
就改兵部召拜吏部尚書加少保

兼太子太保贈少傅諡莊簡  
有白巖集二十卷

列卿紀喬公詩始擬古作後擺落陳辭  
往往多自得語樂府雄雉有作者風氣



藝苑卮言喬希大如漢官出臨遠郊亦自粗具威儀  
梁維樞玉劍尊聞徐兼嘗語人有明以來喬字篆法  
第一人  
莫敢望

東園卽事

名園列嘉燕晴旭散輕陰地比東都勝情同北海深山屏環  
坐隱林籟簪行吟仙迹移城市桃源路可尋

王雲鳳 五首

雲鳳字應韶和順人成化甲辰進士授禮部主事歷  
員外郎中以劾太監李廣誣下獄謫陝州知州遷陝  
西提學副使歷山東按察使召爲國子祭酒以僉都  
御史巡撫宣府有博趣齋稱

國史唯疑劉瑾末年欲收羅人望蔡清王雲鳳俱以  
致仕起兩京祭酒蔡未聞命卒王輒請瑾臨太學如

丙籤卷八

六

魚朝恩故事復請較刻瑾近行法例永俾遵守雲鳳  
甫釋褐知禮察清爲師中緣忤李廣謫生平可觀不  
意未披猖至此晉人猶以侶喬宇王瓊並稱三鳳不  
知何說  
田按河東三鳳白巖品學政績稱最晉溪虎谷俱以  
交納嬖幸爲玷虎谷文采較晉溪差優如洮水南分  
羌部落鐵城西控漢山川天連瀚海雲常慘風起籠  
沙客自愁草侵戰血秦王壘塵沒雕梁竇氏宮老僧  
相見坐無語一院野  
花山寺秋皆可誦也

青陵臺

青陵臺何崔嵬妾心已爲夫瘞死蛾眉肯向君王開地下幽  
魂相對語樹頭嬌鳥求其侶祇今名姓記韓憑高臺何處是

青陵

晚坐聞雁約張用昭登金童山

春雨生泥罷出遊小窗疏竹晚來幽家書每向烏占喜客枕



那堪雁送愁幾日吟毫粗適意經年文案苦埋頭故人欲共  
壺觴約一上金童百尺樓

商州道次韻

風葉蕭蕭點亂山愁人到此一開顏  
樵子林間驅犢出老翁澗底負冰還

孟仲平墳

祝融祠下仲平墳走馬來尋日已曛  
十載故人凋落盡空山無處覓機雲

送任中夫歸太原

旅館相逢卽故鄉別筵誰遣近垂楊  
燕山二月春猶薄欲贈煙絲苦不長

丙籤卷八

張志瀄

一首

七

志瀄字進之永昌衛人成化甲辰進士授吏部主事  
歷員外郎中遷太常少卿進本寺卿擢南工部侍郎

改戶部有南園集

田按侍郎南園漫錄錄各十卷四庫僅錄漫錄  
十卷余兄崑山宦滇購得完本余探滇人楊琮陶甯  
詩皆據此本也其中尚有論詩一則云永昌府旣革  
元之府學盡毀然間有作詩者皆可觀如山行云山  
勢似墮未墮水聲欲停未停行過小橋  
回首天然一幅丹青惜未著作者名氏

春園

長憶曾遊李監園一時名勝動都門  
別來陳迹已如夢偶記新詩還可論  
小宅自收三畝俸緇塵迴隔九衢喧  
今年黍稌占豐候多辦糟邱少辦飧



蔡清 一首

清字介夫晉江人成化甲辰進士授禮部主事改吏部歷禮部員外南吏部郎中遷江西提學副使以忤甯藩引疾去起南國子祭酒命下卒有虛齋集六卷

別鄒汝愚謫雷州吏目

慷慨出門去默與千秋期飽喫惠州飯少和淵明詩

張詡 二首

詡字廷實番禺人成化甲辰進士授戶部主事徵拜南通政司參議有東所集十三卷

田按廷實白沙弟子有句云千篇擊壤詩陶性然其所作殊不類擊壤也

光孝寺

丙籤卷八

八

百粵山川秀三城甲第雄笙歌開院落雲霧隔簾櫳人物消應盡江山變不窮昔爲虞氏圃今作梵王宮

秦和舟中秋與友人玩月

潦倒江湖百不能逢君殊覺喜懷增停舟共賞中秋月促席高燒兩夜燈國士低徊心耿耿客途跋涉鬢星星明朝又作澄江別快閣無心擬一登

楊循吉 四首

循吉字君謙吳人成化甲辰進士授禮部主事以病

乞歸有松籌堂集十二卷都下贈僧詩一卷菊花百

詠一卷齋中拙詠一卷燈窓未藝一卷攢眉集一卷

藝苑卮言楊君謙爲儀部主事與郎中不得因謝病歸久之病良已起復除原官君謙多病而好讀書最



不喜人間酬應嘗開卷至得意因起踣掉不休人遂  
相曰呼病已復事云復官彌月再乞病告吏部以格不  
可曰吾難致仕何即自劾罷時僅三十餘既以歸益  
患曰吾難致仕何即自劾罷時僅三十餘既以歸益  
亡復問外事而蹤跡益詭怪寡台出傲冠服羸與馬  
故以謙老且貧嘗識伶臧首曰故主事揚循吉吳人  
誰為善詞者與偕來賢頓首曰故主事揚循吉吳人  
也善詞上越為詔起郡邑守令心知故強前為君謙  
治裝見君謙冠武人冠靴輪戎錦已怪之又乘勢語  
新聲咸稱旨受賞上每伍有所幸燕令君謙與秩制  
謂曰若姻樂能為俗長乎君謙愧悔汗洽昔謀於賢  
乃以他語懇上放歸益不自憚諸後進少年非薄之  
亡禮問者而其文亦漸落不復進卒窮老以死所著  
續吳錄家君嘗云楊君謙先生過大父令題家君扇  
頃雲千層又題一畫扇云山人捫摸曾笑煙水萬  
望知是張志和醉醒張眼問人世我是何人識得麼  
又題山子直到天台寺裏尋此皆過家君時頃刻書  
得寒山子直到天台寺裏尋此皆過家君時頃刻書

丙籤卷八

九

故載之  
筆精吳郡楊循吉初授官即致仕歸讀書支硎山南  
華寺沈石田賦詩以美之云到手功名賦子虛深山  
長谷貧安居讀書已足功名事更讀人間未見書都  
門祖帳百花飛多見龍鍾賦式微較取柳條千萬折  
不曾送一少年歸  
談遷棗林雜俎武宗南巡於北固山上見楊循吉留  
題因召見行在見上不能對遂罷遣歸忌者因以為  
伶人臧賢所薦不知此際循吉貧不能糊口其赴召  
也典衣為裝惡從市伶人王元美輕信筆年欲起君  
言因而傳播而止楊公實顛不以伶人事也愚按正德  
謙聞其顛而發京師是日即杖臧賢等於午門戍邊  
十六年癸未發京師是日即杖臧賢等於午門戍邊  
安得從南巡薦循吉也又江甯徐子仁霖亦曰臧賢  
所薦是年十二月上至南京賢死久矣流聞之謔如  
此  
田按君謙才力富贍徒以不受古人檢束取易曉於  
里夫豎子故體多近俳然集中合作如詠陽山雲泉  
菴大石詠石假山諸篇  
未嘗不嘆為奇寶也

詠陽山雲泉菴大石奉和諸公同遊聯句



偉哉此陽山有石俟歌誦形將冰塊截勢與蓮花共仰觀一  
何高登陟不可輕鳥飛必徊翔雲出自騰淪孤員外成嶠空  
朗中含洞瘦如辟穀良清若食蚓仲深思殆天設乍至令人  
恐濃蘿作垂陰寒泉滴爲凍戴菴亦顛危攜觴更交綜耳脇  
或駢攢勒拳時獨送巍巍上少並森森下多從荒厓始誰開  
倒樹諒非種在茲三吳間當以九鼎重崇巖借冠冕卑巒聽  
提控勞呼猿固匿被壓松堪訟曲躬始得門側身還入衡拂  
苔劣容眠收乳兼資用志猶記秦餘材曷遺禹貢立久氣濕  
袍嘯高聲達瓊論年越殷周言時晦唐宋一爲佛者居永作  
遊人奉病宜謚作史寐稱搏養汞四方傳不誣諸公評切中  
臨谷足還酸乘巖目徧縱支頤詎厭看極口難竭諷鬼鑿手

丙籤卷八

十

須臾鯨負背應痛東岱徒小魯西華繆推雍懸磬風發鳴香  
爐煙結供曝沙伏靈龜食罔停遠鳳是知隆拔羣所貴秀合  
衆偷餘殿容穰就隙亭閣棟枯藤蔓穿竅長蛇舌撩縫輕盈  
受指彈玲瓏脫泥壅蒂拜本無忝羽撼爭得動栽培稀尺閑  
構架靡寸空炎伏涼自生清秋月堪弄林深必賴燭嵐酷能  
作躑星光猶立芒龍吟殊叶磴嶺獅馴已賓阜虎甯敢闕久  
嗟隔勝賞頻勞落清夢卽欲營終棲其奈懷微俸

陽山

田接姑蘇志陽山一名秦餘杭山一名萬安在城西  
北三十里高八百五十餘丈透迤二十餘里以其背

高登

陰面陽故曰陽山一支東北透迤芝嶺曰嶺山山北  
大石湧出如蓮花上有雲泉菴吳鮑菴陽山大石巖

如人

雲泉菴記云陽山視諸山雄偉特甚其陰石巖然起  
如人負奇骨而偃者當嶽巖礫碗間有僧居在焉成

化間

古往遊自許聖北轉入小溪舍舟從平田行仰見石



勢欲墮足甚恐入門竹樹幽茂薛荔滿牆僧緣崖  
架者大石登陸張杖策不持鞋是時日當夕史茲山  
巖逾滄入門仰觀神欲飛俯駭空洞落星何破碎吳  
氣逾相伯雪仰觀神欲飛俯駭空洞落星何破碎吳  
靈骨立冰雪仰觀神欲飛俯駭空洞落星何破碎吳  
凜君臨吳張拱儼賓送環列盡見孫張擁護等僕從  
欲假愚公移山諒非雍伯種瓜慨惇亡李對曰怯  
杵重硯吻呀未收吳龍鬚怒難控疑血疑痛鞭張立  
肺詎冤訟上漏還啟窗史李通磬自成衛大惟廉利並  
小可冠肌用分矢肅慎窗史李通磬自成衛大惟廉利並  
攢劍兀臬側倚襄嶧山學羸秦吳岳遺汴宋節彼  
民俱瞻張壯哉客難奉史落照紅抹赭歸雲白流彙  
僧講點頭磨李將射沒羽詩中塵緣契三生吳陣圖懷  
七縱張在縣太師擊攻玕珩出附青鳳張栖禪逾百  
免腰痛瑤琨產維虛圍曲闌吳架閣出飛棟史竹幽  
怪作東坡供半空見玉蟬千仞附青鳳張栖禪逾百  
年問僧僅三眾憑虛圍曲闌吳架閣出飛棟史竹幽  
補堂幻樹古嵌崖縫寶黑炊煙熏李坎平鍾乳壟盤  
盤棧道危髮欲濡潭水泉動吳頓窮扳任生鞅李醉  
空史松露髮欲濡潭水泉動吳頓窮扳任生鞅李醉

丙籤卷八

吟微帶艦列坐對鸞跼張大呼應鏗瑯嗜癖牛李愚  
山靈肯售捐薄俸李君謙此詩卽和匏翁等韻也匏  
翁又跋大石聯句後云予與諸公大石聯句偶寄一  
時之興耳二十年來不意後菴名盛傳於時游者韜  
持以興見韜云自公留題後菴名盛傳於時游者韜  
絕匏翁又云予再還吳中太僕以下相繼而逝不能  
獨遊徒得沈啟南所作巨圖取而玩之余檢姑蘇  
志有啟南大石狀詩附錄於此望秦餘杭首尾行  
不表正類抱其尻翹然一拳擣山體厚藏骨吐秀此  
在小其深雖未卽接目遠已好頭來莫能窮繼至敢  
在草循牆道林麓記曲乃遺杳登登覺向峻漸駕  
木杪狴峯據門左呵禁口欲敲有磴沿百級有殿聯  
四爪並殿跨偃石懸身龍燭鎮人結佛下旒惚怖  
可擾四壁滿題句貴賤成雜掃次尋巖間寮峰房互  
窈窕緣勢盡西向局地窄接椽雲磴中貫穿所歷平  
地少陽崖詫脣軟陰寶疑目皆虛舍風颺濕映雲  
稍窺危椒屋不可崇亂雲龜折兆層層百寶合正紳或  
蘿葛斜見山桃花微紅映叢篠旣夕氣更佳延年月象



倍皎向欠一踏雪意先有瑤島東坡昔袖  
去按例我非狡山僧苦着相便覺生煩惱

石假山

何哉奇復奇聚此照眼碧玲瓏千百竅突兀八九尺中居獨  
尊巖傍擁互扶掖猊雄怒張吻馬瘦高見瘠枯藤絡巖生老  
檜鑽岬坼網湖水獻寶斧山雲失宅飛來鷲峯峩推開劍門  
割狎觀常解帶肅拜或呼幘勢掩肺腑層形標拳臂隻浪淘  
猶見紋虎爪仍存迹朝惟講僧坐夜乏將軍射三槎非可參  
一拳茲乃積曲折畫手知巧妙詩家得陟磴披翠篁臨池扣  
金鯽林泉釣初心漁樵盟舊癖空支九節杖莫縱千仞展窗  
窺雖眇小意賞同弘碩幸忝司郡人甯愁竊中夕

都下夜集對雨聯句

丙籤卷八

五

高筵啟秋雨王仁甫頓爾淨餘煊得非洗我塵徐寬似欲添君酌

階前渠溜走趙寬燈下檐花落來遲路遂阻陳章坐久衣轉薄暫

停得耳靜王弼忽至令心愕蕭蕭佐歸懷楊循吉潺潺亂歡謔翻

盆入杜詠侯直名亭見蘇作浸深牆可危王仁甫泛滿庭堪濯徒

穴蟻何智徐寬歸林禽亦樂來如銜枚陣趙寬響失巡階柝諸公

競解帶陳章羣僕皆赤腳積陰已連朝王弼浮潤先徵昨良賓坐

自困楊循吉好主投不錯決明色猶鮮徐侯直梧桐意方索滴成老

況愁王仁甫激起鄉思惡客方利河漲徐寬我亦思屐著試將聽

官舍趙寬何如枕山閣朝街泥想尺陳章漏地水驚勺忙身夜竊

暇王仁甫病體涼得藥對酒今則同楊循吉逐事明又各搜吟思

已倦侯直願且更束約王仁甫直願且更束約王仁甫



七八聯句詩記余頃得請將還山中承古直老人一  
夔存敬公繩栗夫四刑部約以飲食過余作餞次日  
為入月二十四日丁酉余命家人掃地布席栗夫工  
部適至諸君繼至徐栗夫將起去余與諸君共挽留  
之遂復入坐時日暮兩案乃紙筆一工部主事海甯  
直老人黃岩王仁甫南向左位第一工部主事陳  
徐栗夫寬南向右位第二刑部主事松江陳一夔  
北向左位第三刑部主事黃巖王存敬弼北向右位  
第四刑部主事華亭侯公繩直西向主事吳郡楊君  
謙西向次公繩之下位第七酒行家僅以紙筆進余  
請於諸君作長句為樂因復請立一人為詩監以典  
賞罰留駁就請命題以趙栗夫為之栗夫曰詩只  
雨只此可詠也詩無干言此者罰酒仍不雅詩聽  
監詳定於是古直老人先唱二句諸人繼成之共二  
十一韻為句四十二為言二百十爾我交評咸以為  
佳詠方聯句時一客秉筆搆思則六客無事一巡詩  
至須待二三刻余以為聯句未至時請各裂紙如掌  
詩闕不當者詩監上之栗夫曰諾余乃以六小紙散

丙籤卷八

三

諸君之前而自留其一時徐栗夫先成曰黃金臺下  
雨聲獨白玉橋邊水亂流戀闕思親情更切不堪今  
夜故荒燕縱然麟閣在平地未有丹青畫老夫存  
舍半荒燕縱然麟閣在平地未有丹青畫老夫存  
十年官再徙不曾留得買書錢楊君謙次成曰長揖  
諸君從此辭病人筋力自家知如今祇抱醫方看  
得功名也是癡病自斃日人成曰秋兩繞檐聲滴  
夜堂燒燭影輝自斃日人成曰秋兩繞檐聲滴  
身滄海煙波無限好未歸真是紅塵白怪微官繫  
日苦憶東南山水限已無情緒走塵埃何人先自清  
遊去我青鞋亦共來諸君自述既周是時雨益甚  
妨始甚樂復未成諸君各作此自述詩別作七  
著盤中置凡諸君諷問何為余笑曰此當尤樂耳  
乃請於詩監趙栗夫曰七人當互相贈答以闢為定  
諸君拈之於是古直老人首得贈楊君謙徐栗夫得  
王徐敬陳一夔得趙栗夫得侯公繩楊君謙得古直老人拈  
既定乃請乘驢句之暇各為之聯句到則復轍而拈  
聯句句成付肩下客而為贈答詩誠無誤公事於是



徐粟夫遂贈王存敬云根在丹崖葉在吳百年鄉思  
豈能無對君欲贈平生愧乏一雙明月珠存敬答  
云問字幾休已駕車我來還復挽君裾留連未說  
情好今夜詩壇正渠栗夫本黃巖人徙海甯亦吳  
地次陳一夔贈趙栗夫云茶布街西新卜居菴柳  
蔓共蕭疏胃中富有書千卷誰笑家無僮栗夫  
得詩仰而笑稱妙甚泉客倦雅賞以雅製栗夫  
答云風流故與時情別傍散偏於酒趣深未老便  
投綬計知公天性在山林時一夔雅有長往之志  
揚君謙贈古直老人云草聖詩狂兩得名家歡喜  
人答云文章直可接前賢愛海車兒礙散行手理  
篇許贈我老夫今夜不能眠次趙栗夫贈侯公繩  
頰洞宵中一事無世情官況兩蕭疏野人久坐春  
裡自覺年來鄙吝除公細答三百人中先生為我  
次王存敬贈陳一夔云塞無除理百謝先生為我  
白銀漿五十官卑人不識時時裏吐虹光白銀漿  
卽一夔餉子白蓮花酒也存敬詩師西江一夔答云  
梅黃詩句可爭能素操兼看冷似冰他日期君何處  
是龍門寺裏一枝藤次侯公繩贈徐栗夫日期君何處  
派流傳遠驥足曾馳七子中夜雨燈前成邈遁一談

丙籤卷八

西

湖上

湖上魚吹細沫行湖邊花草足風情田分日影陰情別水合  
天光上下清頗怪病身逢酒健久留眵眼待山明農家識是  
游人過競擁籬頭送櫓鳴

黃瓚一首

瓚字公獻儀真人成化甲辰進士授南戶部主事歷  
員外郎中出為四川參議歷浙江參政江西湖廣布



政使召拜應天府尹以右副都御史巡撫山東遷南  
兵部侍郎有雪洲集十四卷

四庫總目瓚詩  
多伉厲之響

同畢嘉會送馮憲副還浙

廣陵淹畢誠越山老馮唐兩賢師友間力障波瀾狂翩翩遊  
子衣獨與朔雁翔汲古尙董井銷魂更雷塘胡然歌式微綵  
服戀故鄉江籬未堪折遠思憑誰將

董樸一首

樸字汝涓麻城人成化甲辰進士歷重慶知府遷參  
政

國史唯疑董樸初登第以使過岳州謁劉忠宣於家  
劉欸之麥飯糟蝦更無他具董感省矢服清操先輩

丙籤卷八

五

一言動爲世運依關如此  
湖北詩徵傳畧參政詩自寫胸臆正如繁音迭奏忽  
聞幽鳥一聲  
凡響皆寂

易菴

笑傲白雲窩生涯一笠蓑引泉憑竹筥補屋借藤蘿溪煖魚  
初戲林深鳥自歌釣舟如葉小從不識風波

貢欽一首

欽字元禮宣城人成化甲辰進士官順德知府有湖

亭集

書吳氏壁

宛陵城外野人家路入青山小逕斜出水香芹低拂燕過牆  
弱柳暗藏鴉瓦盆溜雨新篳酒石鼎飛煙旋煮茶更愛主人



留客久春風齊放一亭花

林廷玉

六首

延玉字粹夫侯官人陝西平涼衛籍成化甲辰進士  
授吏科給事中改工科以論事下獄謫判海州遷茶  
陵知州歷廣東僉事副使山西參政入爲通政使以  
僉都御史巡撫保定改南京總督糧儲致仕有南澗

先生集

田按粹夫以劾程克勤驚題事爲世所不直史但書  
給事中華景劾驚題事不實調南京主簿而遺粹夫  
事克勤一時賢者出獄後憤恚卒言者  
能不職其咎乎錄粹夫詩附著於此

再至定林寺

白雲鎖禪關松花落如雨佳木翳繁陰林深不知暑老衲卧

丙籤卷八

六

雲間雪巔能梵語吁嗟匡廬社遠公在何許

叢臺

叢臺之上烏夜唳叢臺之下草淒淒趙王已去叢臺在行人  
路上空栖栖碧樹蟬鳴滹沱北黃雲雁度王屋西興亡千古  
盧生夢芳草斜陽望眼迷

林泉

柴門繫釣船野徑唳幽鳥山翁睡起遲落花紅不掃

漫興

把酒對芳春風花能幾度殷勤勸美人竊恐春遲暮

林下

高樹秋風急疏林夕照斜柴門臨水岸幾簇拒霜花



姑蘇

姑蘇城邊秋水清  
姑蘇城上秋月明  
吳王已去姑蘇在  
半夜西風吹雨聲

藍章 二首

章字文繡卽墨人  
成化甲辰進士除知縣擢御史歷  
大理寺丞少卿擢右僉都御史忤劉瑾謫撫州判官  
起原官巡撫陝西遷右副都御史進南刑部侍郎兼  
僉都御史改南工部有勞山遺稿

野興

白雲橫江天色空  
江邊老木起秋風  
幽懷欲吐無人見  
曳杖危橋亭子東

丙籤卷八

七

題畫竹

吳松江水似清湘  
煙雨孤篷道路長  
寫出無聲腸斷句  
竹雞嘯處竹蒼蒼

陳袞 一首

袞字廷章建昌新城人  
成化丙午舉人除天台知縣  
改青田遷儋州知州汀州同知

仰山

絕頂龍淵照碧空  
亂雲殘霧一重重  
斜陽收拾丹青稿  
畫出溪南雪後峯



丙籤

費宏 二首

宏字子充鉛山人成化丁未第一人及第授修撰歷  
贊善諭德太常少卿兼侍讀擢禮部侍郎進尚書兼  
文淵閣大學士參預機務加太子太保進武英殿大  
學士改戶部尚書致仕嘉靖初起原官加少保進吏  
部尚書謹身殿大學士再進少師兼太子太師華蓋  
殿大學士卒贈太保諡文憲有鵝湖摘稿二十卷

田按世宗朝先以議禮次以齋醮君子小人迭為消  
長然其初政如費文憲楊文襄石文隱輩未嘗不傾

丙籤卷九

心延接君廣臣和史稱帝御平臺賜宏御製七言一  
章命輟倡和詩集署宏銜曰內閣掌參機務輔導首  
臣嘆其尊禮前此未有余檢宸章輯錄帝賜文憲詩  
云每從古訓尋治理歌詠研磨陶性情詩成狀意或  
未愜中侍傳宣出紫清賜文襄詩云才兼文與武內  
外資安攘寬朕西顧憂遂使吾民康賜文隱詩云卿  
以延薦入性資特剛方在木類松柏在玉如珪璋可  
否每獻贊忠實無他腸張璁桂萼以議禮貴忌宏寵  
萼言詩文小技不足勞聖心且使宏得馮寵靈凌壓  
朝士未幾宏珺皆去一清被傾陷發憤疽發背死而  
且得下諡矣

雨霽

雨霽郊原潤春深景物妍煖雲低覆樹流水漫成川徑草碧  
如翦檻花紅欲燃呼童理耕稼生計在農田

睡起

晝閒成懶百無功塵事難侵世累空睡起呼童向籬落菊花



枝上促青蟲

石瑠二十首

瑠字邦彥藁城人成化丁未進士選庶吉士授檢討  
歷修撰南侍讀學士國子祭酒擢南吏部侍郎召改  
禮部兼翰林學士掌院事拜本部尙書掌詹事府事  
進吏部入內閣專典誥敕尋詔以吏部尙書兼文淵  
閣大學士參預機務進太子太保武英殿大學士加  
少保乞歸卒諡文隱隆慶初改諡文介有熊峯集十

卷

四庫總目瑠出李東陽之門東陽每稱後進可託以柄  
斯文者惟瑠一人瑠詩文皆平正通達具有茶陵之  
體  
列卿記文隱詩歌成一家言少師李文正曰邦彥詩

丙籤卷九

詞皆中矩度而七言古詩尤超脫凡近眾所不及  
藝苑卮言石少保詩如披沙揀金時時見寶  
靜志居詩話少保爰立在永陵初年是時諸臣以議  
禮忤旨帝初欲爰以自助而颺值自守至三封內批  
帝心弗善也故雖位列中台具詩多塞產而不釋如  
云龜勉二十年十事九失意又云詩多塞產而不釋如  
多不平又云誰云日偃仰亦復成局促又云趾發物  
已迂意行悔相連又云軒冕豈不華一喜生泉陽又  
云幡幡鳴春鳥解使朝變昏又云古來忠與邪往往  
激漏淺又云苟移造化柄劍折不作鉤與錐又云事  
璧碎不作脂與韋甯爲鈍劍折不作鉤與錐又云事  
去朝露空安辨窮與達又云賤詩日紛綸君臣互相  
諛但聞都俞聲無復佛與吁又云終然千古下忽有  
知已歎蓋當日綸扉之間未盡和衷之雅一傳衆咻  
誰與爲善乃知人生不得行胸懷作相與不遇等也  
田按少保立朝嶽嶽懷方不肯隨人作計詩亦清音  
亮簡不愧詞人

擬古傷歌行

葉落花殘君不見春來秋去如飛電富貴千年劫火灰邱陵



幾度桑田變五侯高樓臨大道寶釵金鈿埋秋草張放甯知  
金穴平楊家一日冰山倒君看荒塚饒荆棘當年俱有回天  
力勸君對酒且高歌莫負庭前芳草色

有所思

雙星熒熒隔秋水秋入城頭漏聲裏窗間梧桐風瑟瑟青鳥  
南飛月華白朱絃一撥意已傳夢繞博山雙紫煙藕絲易脫  
雲易散十二碧峯秋雨前

短歌行

苦霜凋綠華耿耿抱香死快刀割直絃一斷不可已翠袖弓  
鞋雙黛眉香輪回首淚沾衣采雲一散無消息惆悵綠鬢生  
雪絲

登臨篇

丙籤卷九

三

登高邱臨清流驚濤拍岸風蕭颯東奔到海何日休浮生聚  
散類萍梗滿地花草疑閒愁士雅空擊大江楫仲宣復上荆  
南樓日落蒼梧思帝子風生蘆葉按伊州富貴豪華成莽蒼  
斜月窺林影千丈誰家金鴨草猶黃舊日歌臺人竟往舊人  
已往新復來仍張寶瑟勸金杯流魚偶與水相得長嘯不知  
山欲摧鬢毛未白心成灰城南嘒烏聲絕哀仰天奮頓一起  
舞蹋碎石濠千古苔

清夜遊

宮夜泠泠月華白嬌騎踏空紅墮雪西園門外馱鼓聲十六  
院中樂齊發楊郎蕭郎各一席千牛鬪臂宮娃泣坐中誰是



陳宣華竇帶猶拴同心結  
芰荷風柔酣海霞錦繡樹  
鴉雙  
鴉侍臣自舞王自歌  
蜥蜴香銷金縷紗佛經  
僕射呼不起梁燕才人  
竟冤死潼關烽火照宮  
紅猶自心輕漢天子龍  
舟翩蔽白日醉擁笙歌  
南下疾一聲悲鐸不堪  
聽至今江柳生愁色

娥媚謠

娥媚復娥媚不道李與桃  
阿嬌十四著繡袍錦襦  
雙佩并州刀自從貞觀  
見天子宮粧靚麗朱鞋  
高親挑佛燈誦佛語避  
近君王淚如雨未央前  
殿恰垂簾白馬道場齊  
抱杵提兵誰遣太法師  
縛賊親煩長公主大雲  
經梵不足聽天堂火發  
延御屏雨露新歸奉宸  
監浮屠鬼戰金輪庭李  
花不開媚娘舞骨肉不  
如巖下土

丙籤卷九

四

有所思

東風二月揚新沙憶醉燕  
南豪士家狂歌劇舞共  
春色正值東隣桃始花  
情深每厭箏笛聒意放  
不遣山林遮船頭詩篇  
船尾酒解纜直下清溪  
涯太原喬生興踔絕偏  
愛漁蓑冒風雪杯空正  
自吸流泉月出先判宿  
巖穴封龍山人意原苦  
坐覺悲風起尊俎鬢星  
豈乏長安塵衣斑尙帶  
西湖雨百年離合江上  
雲萬事紛紜江水紋千  
里夕陽春草綠停雲空  
憶鮑參軍

送伍朝信守甯波

官柳風柔拂酒盞渭北  
江東意何限五馬誰驅  
高蓋車畫省



秋雲猶滿眼，纍纍肘印腰帶黃。太守年纔三十，強閭門不敢  
鳴騶。過里中長者，多父行高堂。日遲采衣舞一觴。一詠聲琅  
琅。紫薇鉅公顏色揚。諸孫繞膝兒繞牀。牀頭經史映簪笏。膝  
下歡娛殊未央。親恩君寵兩磅礴。膏雨還隨使車落。深村無  
吹龍公府多神雀。愛月還登鎮海樓。尋幽或到燒丹壑。鏡川  
幾曲春澄澄。人言使君如水清。棠陰無事坐舒嘯。惟聽江聲  
雜鳥聲。

新雪

雪意已崇朝。淩風葉旋飄。著衣初點點。入竹故蕭蕭。翠壁誰  
凝望。青帘久費招。期君坐今夕。燒燭看瓊瑤。

遊北寺亭上人後園

丙籤卷九

五

偶爲尋詩出穠華。觸眼新鳥歌行酒地。花覆倚欄人。風籟渾  
無譜。蟲書太逼真。絕勝絃管夜。紅袖舞香塵。

喜晴

幾日多風雨。新晴乍可憐。青山當屋角。白鳥到花前。埽榻祛  
塵夢。揮毫著短篇。不須登漢閣。有思欲凌煙。

同陳宗之諸同年飲雞鳴山憑虛閣時羅太常景鳴作

倡

二月到金陵。秋山始一。行人間無此。地坐上得清。卿痛飲平  
生侶。高樓萬古情。蓬萊在何處。縹緲暮聞笙。

五日

角黍千年恨。魚龍五日驕。湘潭如可作。楚調不辭招。落日明



帆影南風暗柳條賈生心自壯安用羨乘潮

易州道中

西風羸馬經行地易水長城是舊都壯士入秦名尙在客卿  
歸趙勢全孤高臺歲久黃金盡古塞秋深白雁徂聞道關門  
猶鎖鑰太平天子慎防胡

春暮見鶯

百花開盡聽鶯流一嘯能添數種愁巧舌傍人何太苦春光  
隨水已難留心驚陌上誰家笛夢破城南少婦樓柳色萬行  
聽不斷莫牽詩思到揚州

早朝追和匏老韻

蓬萊宮闕玉爲橋曳履年年侍早朝鑪靄著衣如過雨御溝

丙籤卷九

六

搖月欲生潮未排閭闔心猶壯纔望金莖渴已消奏罷從容  
過東觀五雲隱隱聽笙簫

天寶宮詞

龍池樂上練裙飄珠履金璫稱舞腰舞罷芙蓉冠欲墮殿頭  
傳旨賜含消

唐武宮詞

宜春苑外兔初肥長從君王射獵歸一色赭袍飛兩騎外人  
不辨是賢妃

蒲觴曲

蒲梢短短半厭水藕芽白白應滿池夏蟲葉上相思字苦竹  
叢中腸斷詞



七夕

七月七夕風雨多御橋南望水增波鴛鴦自向沙頭宿不管  
牛郎信若何

蔣冕 二首

冕字敬之全州人成化丁未進士選庶吉士授編修  
歷中允諭德侍講學士少詹事擢吏部侍郎改掌詹  
事府典誥敕遷禮部尚書兼文淵閣大學士參預機  
務進武英殿大學士加太子太傅少傅改戶部進謹  
身殿大學士乞休落職閒往隆慶初復官謚文定有

湘皋集三十三卷

田按文定嘗著瓊山詩話專紀邱文  
莊詩相業遠過瓊山詩則未逮也

丙籤卷九

七

元夕應制

四海春風共一家韶光先到上林花星橋曲曲通銀漢火樹  
叢叢結綵霞佳氣煖浮雙鳳闕瑞煙晴護六龍車繁華不作  
揚州夢一曲昇平月未斜

望君山

瀟湘江芷入秋多望裏君山恰一螺欲向老髯求鐵笛夜深  
吹徹洞庭波

毛紀 三首

紀字維之掖人成化丁未進士選庶吉士授檢討歷  
修撰侍讀諭德侍講學士進學士擢戶部侍郎改禮  
部再改吏部拜禮部尚書典誥敕掌詹事府兼東閣



大學士參預機務加太子太保改文淵閣大學士進  
少保戶部尚書武英殿大學士再進吏部尚書謹身  
殿大學士乞致仕追論議禮奪官以恩詔敘復贈太  
保諡文簡有麓峯類稿二十四卷

田按謝文正致仕復起以楊文襄不爲之下而歸費  
文憲復起毛文簡有推讓名次疏云臣加少保偶在  
宏先僉議謂臣列銜立班宜居其上竊惟宏加秩雖  
在臣後而宏入閣則在臣先宏學識才猷過臣甚遠  
恐不可概以爵銜論也庶幾可  
以愧躡進者小詩亦有清致

銅雀硯

荒臺野燒青古瓦寒雲滴卻把蘸詩臺東風弔赤壁

聽松卷子

蒼苔白石坐開顏盡日無塵鶴夢間起向前溪一洗耳濤聲

丙籤卷九

八

隨雨落空山

題畫

峯前薛路石縈迴深樹柴扉面水開城市看山多向畫幾人  
身到畫中來

吳廷舉 二首

廷舉字獻臣梧州人成化丁未進士除順德知縣遷  
成都同知改松江擢廣東僉事歷副使劾中官逮繫  
獄戍雁門赦免擢江西右參政乞休起廣東右布政  
使召爲右副都御史遷工部侍郎改兵部南工部戶  
部遷右都御史巡撫應天進南工部尚書諡清惠有  
東湖奏疏西巡類藁



列卿記廷舉作詩效陳白沙  
國史唯疑吳廷舉初請從李獻吉學詩音響不諧爲  
所哂怒相排抵免官去後顧疏薦李余誦李放歌云  
東湖子君非澳忍閭勿之丈夫余亦豈卑卑與世而  
浮沈恂復共鬪非庸劣廉蔣終投萬古欽吳亦報之  
詩夫旣靚顏面豈不愜素心如何異同論三兩相參  
差蓋兩公皆偉人負氣不  
下微生匪賦旋消釋久矣

### 送李世卿還楚

文章伯仲歐陽子道德平交李老君歸去大崖了何事坐分  
江月看山雲

### 宿玉蟾寺

川北湖南一水通生涯半寄祝融峯此身尙逐雲來往又挂  
玉蟾山上松

### 陳鎬一首

### 丙籤卷九

九

鎬字宗之南京欽天監籍本會稽人成化丁未進士  
授禮部主事改南吏部歷郎中出爲山東提學副使  
歷江西參政進湖廣布政使以平賊功就遷右副都  
御史巡撫湖廣諡清肅有矩菴漫稿

續金陵瑣事矩菴陳公鄉邦麟鳳有矩菴集余求之  
三十年不得偶遇吉巖顧司理案頭見矩菴詩一卷  
錄之以寄景仰謁定山云定山今在眼夫子道云亡  
朝著功名薄郎曹鬢髮蒼青天知出處白壁愛文章  
無限停驂意  
蘋花遠澗香

### 遊靈巖

予豈邱壑士每有煙霞想况茲佳勝地興到成獨往振衣一  
舒嘯千古發幽賞竹泉繞青壁霧雨翳林莽超然會夙心斯  
巖信蕭爽



楊廉一首

廉字方震豐城人成化丁未進士選庶吉士授南戶科給事中改刑科再改南兵科歷南光祿少卿太僕少卿順天府尹擢南禮部侍郎進尙書贈太子少保諡文恪有月湖集四十八卷

題畫

山高逕路微林深茅屋小讀易者何人焚香坐清曉

王鴻儒六首

鴻儒字懋學南陽人成化丁未進士授南戶部主事歷員外郎中出爲山西僉事進副使謝病歸起國子祭酒再起南戶部侍郎改吏部進南戶部尙書卒諡

丙籤卷九

十

文莊有凝齋集九卷

田按尙書以名德重頗稱好事嘗獲陳后山集鏤版行之詩亦清俊不凡

襄陵分司

遊歷關河迹似萍塵襟到此頓然醒萬竿綠玉眞淇澳一點青螺小洞庭魚藻浮游時近檻鶯花爛漫好開榭水南居士今陶謝恨欠新詩落素屏

自嵐縣至興縣

自將行李出并門此地眞堪一斷魂樵牧徑荒惟有寺逃亡屋壞不成村澗堆墜石灘聲壯峯過閒雲樹色昏洞口薜蘿含夕照虛疑世外有乾坤

京華秋興



鳩鵲高寒紫殿陰金壺銀箭夜沈沈洞簫賦美當誰賞  
詞工謾獨吟暫狩長楊沿漢制終思茂草戒虞箴屬藁猛士  
應多從傾耳西風玉輦音

至後三日雨連日

江南冬月氣猶溫風雨瀟瀟至後繁鍾阜雲迷禪寺塔秦淮  
潮上酒家門聞來訪戴難乘興老去遊吳易斷魂何似鄉關  
醉呼騎短衣衝雪獵平原

擬楊鐵崖小遊仙詞二首

酒壚客舍已塵埃憶與回公舊往來鐵笛一聲塵夢醒岳陽  
樓下水如苔

戲拋白鳳下清冥黃鶴樓頭雨正晴十八女郎歌勸酒人間

丙籤卷九

十一

誰識是龍精

吳儼一首

儼字克溫宜興人成化丁未進士選庶吉士授編修  
歷中允侍講學士掌南翰林院以忤劉瑾罷官瑾誅  
復職擢南禮部侍郎進尚書贈太子太保諡文肅有

摘稿四卷

四庫總目儼當何李未出以前猶守明初舊格無鉤棘  
塗飾之習其才其學雖不及李東陽之宏富而文章  
同度春容詩格亦復閑雅往往因題寓意不似當時  
臺閣流派沿爲膚廓雖名不甚著要與東陽肩隨亦  
足相羽翼也

聽鄭伶琵琶

鄭伶名價重江東五百梨園伎盡空子夜猿嗥殘月白上林



鶯老落花紅江頭商婦愁無限塞外明妃恨不同可惜曹綱  
今去遠何繇兩市門西風

羅玘 二首

玘字景鳴南城人成化丁未進士選庶吉士授編修  
歷侍讀南太常少卿進本寺卿擢南吏部侍郎引疾  
歸嘉靖初諡文肅有圭峯集三十卷

藝苑卮言黃五獄省曾言南城羅公玘好爲奇古而  
率多怪險卮言之辭居金陵時每有撰造必棲踞於  
喬樹之巔震思天想或閉坐一室客有於隙間窺者  
見其容色枯槁有死人氣皆緩履以出都四五度矣  
伊考墓銘成語少卿曰吾爲此銘瞑去四度矣  
今其所傳圭峯稿者大抵皆樹巔死去之所得也  
國史雅疑羅圭峯由輸粟入監年四十餘祭酒邱文  
莊公議南士不聽北留羅固請至再三受扑不控面  
數之曰若能識幾字崛強乃爾大聲應曰唯中祕書  
未讀耳邱異之識其名堂柱再試文奇甚六館士莫

丙籤卷九

三

有及者驚嘆爲延譽於朝遂以其年發解聯第蔚爲  
名儒  
田按景鳴鄉舉出西涯之門西涯依違劉瑾景鳴奇  
書責之云屢更變故雖嘗貢書然不敢頻類者恐彼  
此無益也今則天下皆知忠亦竭矣大獻詔以爲措  
手矣易曰不俟終日此言非歟彼朝夕獻詔以爲措  
依依者皆爲其身謀也不知乃公身集百詔百歲之  
後史冊書之萬世傳之不知此輩亦能救之乎白首  
老生受恩居多致有今日然病亦垂死而不言誰復  
言之伏望痛割舊志勇而從之以彰叛思者削平生之  
籍然後公言於衆大加誅伐以彰叛思者削平生之  
甘焉此書可以報舉主矣景鳴文章綽有矩範詩非  
所長作文至暝去四五度劉  
彥和文章傷命之戒諒哉

送萬典史之黃岡

城脚更無地門開直到江縣樓對魚市驛舍接船窗烏立藏  
蛇竹蟻緣繫馬椿聽琴還聽笛不是故園腔

和江殿讀齋居韻



漠漠昏鴉飛，遶堂抱綢吾。恰到西廊謾拈短燭，尋詩壁笑見。  
斷瓠支敝牀，家遠青山難入夢。時清白首好爲郎，不慚衰朽。  
迎歸蹕，貪看艤航集萬方。

傅珪一首

珪字邦瑞，清苑人。成化丁未進士，選庶吉士，授編修。  
歷中允，諭德，降修撰，尋遷中允，歷侍讀學士，翰林學士，擢吏部侍郎，進禮部尚書，致仕。嘉靖初，追贈太子少保，諡文毅。有《北潭集》八卷。

田按：邦瑞在正德朝，遇事直言，權倖側目，矯旨致仕。杜門謝客，足迹不至郡闈。園城西蒔花木，日與親舊飲酒賦詩爲樂。郎山、葛洪山皆郡之勝，攜容往遊，峻絕幽邃，人所不至之地，皆留題而去。

元宵應制

丙籤卷九

三

清夜香生輦路塵，蓮花如錦月如銀。君王別有光明燭，遍照窮檐蔀屋人。

李文祥一首

文祥字天瑞，麻城人。成化丁未進士，選庶吉士，以言事謫咸甯縣丞，旋用薦召爲兵部主事，事下獄，貶興隆衛經歷，經商城渡冰陷死，有儉齋遺稿。

堅瓠集成：化中萬安子翼，登進士官，至侍郎，翼子宏璧，成化丁未復，倖雋麻成，李文祥爲其同榜，負才名，將對大廷，安欲以宏璧託之，因許及第，使延別館致款，屬題畫，鳩文祥奮筆題詩，有春來風雨尋常事，莫把天恩作己恩，句，安銜之，弘治初，有媒孽文祥者，謫興隆衛經歷，李西涯贈詩：戒酒不從花底醉，愛舟多在冰中居，後文祥被酒過河，冰陷溺死，人以爲讖。

登岳陽樓



萬家煙火擁孤城一上高樓百感生往事悠悠東下水夜船

燈火枕江聲

鄒智一首

智字汝愚合州人成化丁未進士選庶吉士坐誣下

獄謫石城所吏目有立齋遺集五卷

四庫總目智詩文多發於至性不假修飾之功

雙槐歲鈔鄒吉士汝愚謫雷州千戶所吏目道吾廣

有司留館坡山士民爭先謁焉其同年蒼梧吳獻臣

廷舉尹順德令邑民李煥於古樓村建亭居之扁曰

論仙弘治辛亥十月卒獻臣往治其喪適方伯東山

劉公大夏至邑自暇出迎廉知其故反加禮待共詩

郵還其喪獻臣自是知名白沙陳公甫追次汝愚詩

日遷客一亭遺海濱當時誰號謫仙人花汀柳市無

雲歸草疆界盡是乾坤十樣春獻臣和曰浮雲浩浩南海濱

落川獨照窮愁人狼藉幾株桃李樹謫仙亭上可憐

春

丙籤卷九

四

辭朝  
雲韶聲靜拜彤墀轉覺心驚不自持罪大故應誅兩觀網疏  
猶得竄三危盡披肝膽知何日望見衣裳只此時但願太平  
無一事孤臣萬死更何悲

靜志居詩話立齋以吉士建言請黜萬安劉吉尹直

報既而萬尹被彈詔王恕去劉獨銜憾三君子泰陵初政不

中書人湯御史彈事去劉獨銜憾三君子泰陵初政不

祥董河陽傑謂數人以詩酒相結納互相標榜詆毀

朝政概貽殛書云夜夢一人騎牛將墜羸手挽之不

仆又見羸執五色石引牛就周人騎牛者朱也以為

罪當死賴王端毅何文肅徐文靖諸公力持之得生

而立齋遠論化州千戶所吏目既踰嶺從陳文恭講  
學未幾天折惜夫其獄中詩云人到白頭終是盡事  
垂青史定誰真夢中不識身猶繫又逐東風入紫宸  
誦者傷之至辭朝詩云望見衣裳只此時但願太平  
只此時放臣逐客讀之尤為悽斷



李堂二首

堂字時升鄞人成化丁未進士授工部主事歷員外郎中遷應天府丞南光祿寺卿擢南左僉都御史召爲工部侍郎總理河道引疾歸有堇山集十五卷

東錢湖絕句 二首

深山何事卜穹碑石穴金丸禍已隨莫歎師王空一榔穆陵遺事更堪悲

楚王宮殿七浮圖殿址層層漫綠蕪幸有老松人不翦滿林落日正嘯烏

夏鏃 四首

鏃字德樹天台人成化丁未進士謁選入都疏請復

丙籤卷九

五

李文祥鄒智官罷劉吉忤旨下獄尋釋除大理寺評事有赤城集二十三卷

田按德樹以讜論著詩亦迥不猶人

東關歸路

七舍東關路還家卽勝遊水清如擁鏡山好只移舟江唱曹娥晚嶺謠天姥秋途窮鄉語入台越此分州

春日紀遊

相尋出郭消憂地不近山樵近澤漁細水隨行人箇箇晴沙擁坐柳疏疏林鶯起徙雙歌罷市酒提攜一笑初讌徹杏園仍浪迹不才多病欲何如

立春日白齋所居作



故園春風又一吹脈脈還來動酒卮豈少梅花笑幽處更饒  
江色弄晴漪衰遲正苦鄰人遠懶倚偏宜俗子嗤接笑暫同  
三徑裏柴門竹影共移時

官舍對菊

雨撥黃花豔晴軒濛几幽但看無意採不是故園秋

楊子器一首

子器字名父慈谿人成化丁未進士知崑山高平嘗  
熟三縣擢吏部主事歷員外郎中出爲湖廣參議還  
河南布政使有柳塘先生遺稿

都公譚纂慈谿楊名父子器爲詩敏捷下筆數百言  
不屬草一日余與楊君謙同會名父濡毫立成數律  
君謙曰君之才敏捷堪奉使外國足以驚倒夷人名  
父曰吾詩不行於中國僅可驚番人乎相顧一笑

丙籤卷九

六

元順帝宮詞

練槌髻髻紫頭繩金繡雲肩翠玉纓學舞天魔纔擺隊長安  
又領接番僧

周旋一首

旋字克敬慈谿人成化丁未進士授兵科給事中出  
參廣藩有西溪小稿

秋思

倚杖獨行吟蕭條楚客心寒潮侵曉岸商籟響秋林俠氣老  
猶壯窮愁閒轉深彷徨疑望久西北起輕陰

盧濬一首

濬字希哲天台人成化丁未進士授刑部主事歷員



外郎中出知黃州府改南安邵武有渺粟稿黃州集

九日遣興

江南鴻雁隨雲沒江北黃花冒雨開客裏光陰年似月眼前  
愁緒去還來誰將玄髮看庭樹且對青山促酒杯一笑樊籠  
吾分在錯教鷗鳥浪相猜

文森一首

森字宗巖長洲人温州守林弟成化丁未進士知慶  
雲縣改鄆城擢浙江道御史建言廷杖致仕起爲河  
南道御史遷南太僕少卿擢右僉都御史有中丞詩  
集

邵伯道中

丙籤卷九

七

去日流火來肅霜蒹葭大澤鳴鶉鵠螿龍已卧忽人立遠山  
將盡如眉長古寺斷碑羅隱偈碧灣丹樹謝公棠舵樓北望  
風煙直好共乘春早雁翔

陸完一首

完字全卿長洲人成化丁未進士除監察御史出爲  
江西按察使擢右僉都御史巡撫宣府改南院督江  
防軍召爲僉都御史遷兵部侍郎進右都御史加太  
子少保改左都御史拜兵部尚書改吏部坐納宸濠  
賄論死議平賊功減死成福建靖海衛有水村集

王元章梅

月落參橫興已空鑑湖清淺夜推篷消磨不盡惟豪氣猶在



疏花淡墨中

林光 一首

光字緝熙東莞人成化己酉舉人除平湖教諭遷國  
子博士改襄陽府長史有南川集

石門

遠水接長隄疏松遠斜谷入寺不逢僧一犬吠深竹

丙籤卷九

六

散水對雲對巖對嶺餘谷人寺不逢僧一犬吠深竹

石門

平野之野雲對巖對嶺餘谷人寺不逢僧一犬吠深竹

光字緝熙東莞人成化己酉舉人除平湖教諭遷國

林光 一首



丙籤

姚綬 四首

綬字公綬嘉善人處士黻子天順甲申進士授監察御史謫永寧知縣有穀菴集十卷

楊循吉松篁堂集姚公綬解官歸所居在大雲里東饒水竹作室曰丹邱嘯咏其中人稱丹邱先生又作滄江虹月之舟遊泛吳越間善書法鍾王勁婉成妙畫初學水墨後進學唐品得古意四友齋叢說嘉興姚雲東工詩善畫善臨摹其臨趙松雪王叔明二家畫墨氣絳染皆妙閒寫梅道人竹石亦蕭洒可愛六硯齋筆記姚雲東小景好作沙坵水曲孤釣獨吟其潤幅重林遠打著四五漁船而已此公壯歲入中臺不及攬轡驂鸞晚年好道向平之願蚤畢三山五

丙籤卷十

嶽之履懸而未試直以逸趣自寫胸中而已未可以文沈作略概之也

書史會要姚綬詩類張伯雨  
初號穀菴又號雲東子蘭臺逸史田老邱先生清仙尤顯平生慕張貞居之為人所見片紙隻字無不收藏嘗得其鐵冠與遺像為撰句曲外史小傳鐵冠歌云昔為柱史冠鐵冠者曲外史中仙也餘林下不類表然鐵冠者曲外史中仙也餘二百年繡斑蝕鐵冠者曲外史中仙也餘鹿皮無此清芙蓉吐花金玉并鐵葉細薄不易成外史星瑤池明夜醮禮茅君鶴曾借出塵風度向誰彈翁冠乎冠不如磨冠甯住仙人居流落四海幸屬子著性烈今不如磨冠甯住仙人居流落四海幸屬子著之稱我青霞裾田按雲東逸史畫勝於書書勝於詩

桐邨小隱詩和韻



河流南入市徑路北通村新結草堂好舊栽桐樹繁兒童知  
稼穡鷗鳥識琴尊有容問奇字乘舟直到門

錢舜舉山居圖過語見溪賦

舟中賴此能消日半匹溪藤意趣多雪叟畫圖凌晉宋貞居  
詩語逼陰何山回樹繞門空設雨過風輕水不波誰個躋攀  
窮險阻一聲長嘯出煙蘿

田按錢舜舉浮玉山居圖卷紙本七分用墨三分設  
淺綠色筆法絕類朝川有黃公望倪雲林顧阿瑛仇  
山村鄭元祐楚石道人諸題跋舜舉自題年叢石映  
山岑白雲何翻翻下有幽棲入嘯歌樂往年叢石映  
清泚嘉木澹芳妍日月無終極陵谷從變遷神襟軼  
寥廓興奇揮五絃塵影一以絕招隱奚足言張貞居  
於至正戊子得於書肆託為景趣既高筆墨精妙詩  
亦雅麗非近人語和韻云秋風動巖樹歸鳥何其翻  
我思巖中人可以樂忘年夫君乃詞客畫手故作妍  
吳興圖畫裁詎隨時好遷上巖雲積雪下巖水鳴弦

丙籤卷十

展卷纔尺許坐對兩無言成化癸卯公綬得此卷於  
廣溪沈氏驚為至寶題詩至廿餘首此詩其一也後  
又歸項墨林天籟閣國朝康熙中此圖為安儀周  
所得著錄墨緣彙觀安氏中落購入書內府光緒甲  
午此圖復流落人間余獲見舜舉山居圖二一為二  
紀題者係金碧山水一為此圖以淺綠和墨靜穆之  
趣超乎塵表五百年來無此作矣題為浮玉山居者  
以鄭遂昌題有餘不之水浮玉山句也此圖亦著錄  
冊中丞式古  
堂書畫考

讀劍脩竹仕女圖

瑤臺無信託青鸞一寸芳心思萬端莫向東風倚修竹翠衫  
經得幾多寒

題畫舉山居圖

秋風吹空古樹葉白雨壓低新竹枝淨埽石牀看暮色滿襟  
涼影鬢絲絲



李應禎 一首

應禎名姓以字行更字貞伯長洲人景泰癸酉舉人授中書舍人遷南兵部郎中尙寶司卿太僕寺少卿

有李氏遺集

甫田集太僕書魏府君碑謂徵明曰吾學書數十年今始有得然老無益矣子其及目力壯時爲之因極論書之要訣凡運指凝思吮豪濡墨與字之起落轉換小大向背長短疏密高下疾徐莫不有法公雖潛心古法而所自得爲多其尤妙能三指尖搦管虛腕疾書令人莫能及

藝苑卮言少卿書人有求者多怒不應故傳世者少書史會要少卿眞行草隸皆清潤端方如其爲人其名延爲弟子師公不往以善書選中書舍人故事中書班列給事御史上近軻易其次公上書爭不報中旨詔諸舍人書佛經公言天下國家有九經未聞佛經也上恚廷杖公幾死致仕歸郡守劉某征斂苛急人呼白而虎公作虎渡河詩致之公博學能詩書

丙籤卷十

三

法自成家然每恥以是名情疆果毅侃侃終始眞吳人士之神矜已

和邱時雍太守

解印歸來草結菴逢人便欲口三緘鬢將半秃甯忘世骨未全消尙畏譏別墅貯春常載酒晴湖泛月不張帆年時種得梅千樹要看花開雪滿巘

周鼎 四首

鼎字伯器嘉善人以軍功授沐陽典史有桐村疑舫

齋土苴等集

南濠詩話柯博士九思在奎章日得出入內廷後失寵退居吳下虞文靖公作風入松詞贈之中亦微露此意子間柯嘗畫黃鸝白頭題詩二絕白頭云春濃不放小禽棲白髮衝冠向曉唳簾幕半開人未起樓臺風煖日猶低黃鸝云春風嬌軟綠陰肥上苑鶯樓紫翠圍卻向後宮深院裏一枝閒自理金衣近嘉興



周丈伯器嘗題二圖爲子誦之詩云奎章閣下老詞臣吟徧鶯花上苑春回首金衣閒自理綠陰多處少風塵重重羅幙縷輕寒聽徹春禽午夜闌無限江南歸興裏不將華髮漫衝冠蓋用其語而反其意也  
弇州四部稿伯器書結法蕭灑田按伯器工書善賞鑒名人書畫往往見其題跋小詩亦有風致

留別張廷端

野亭芳樹下崖石大溪南客去閒秋色雲來作暮嵐誰家留信宿何處倚清酣拾得琅玕竹時時寄一函

晚坐

胡牀高柳下團扇入懷新笑指纖纖月蛾眉學未眞

寄叔莊

郭外何須二頃田江湖春水綠如煙扁舟蕩漾不歸去日暮

丙籤卷十

四

蘋花風滿川

漁村

湖上吹煙一縷輕隔林聞得紡車聲漁村風景偏宜晚幾幅

斜陽透網明

林景清二首

景清號竹窗閩人成化中貢生官興國州判

歷代詩選徐興公云竹窗雅善草書吾鄉自承樂中王太史孟揚工於八法繼孟揚者竹窗也書法之妙不減吳興

寄陳野航

明月光沈水底天野航常傍荻花前山翁吟罷如泥醉一枕江風自在眠



一清軒感舊

往事淒涼似夢中香奩人去玉臺空傷心最是秦淮月還對

秋閨燭影紅

金琮一首

琮字元玉上元人自號赤松山農

金陵瑣事山農金元玉書初法趙子昂晚學張伯雨精工可愛落筆人便持去吳中文徵仲極賞之凡得片紙裝潢成卷題曰積玉畫梅花有逃禪老人筆意自題絕句云一別西湖未得歸孤山風月近何如春來賸有看花興又向君家寫折枝顧起元客座贊語金元玉嘗遊浙之赤松山愛其佳徘徊不能去因自號赤松山農居常退視清嘯人莫能窺王公貴人雅相傾慕非先施未嘗一至其門辛丑消夏記蔡之定云赤松鏡於臨池每夜作書以五寸燭為度燭盡而止其勤如此其書品在莫雲卿輩大年之上

丙籤卷十

五

駐景亭春日漫興

幾日春陰嬾出城不知時節近清明青春公然背我去白髮  
忽欲滿頭生殘酌自來池上了好詩偶在雨中成南原明日  
開晴色到處看花約伴行

蔣文藻二首

文藻名元素以字行嘉興人

六視齋筆記蔣文藻林塘與姚丹邱同隱大雲執師資之禮書畫步趨丹邱有酷肖者所作叢竹老木尤蒼勁有致人或以文雅稍怯輕之然亦有樸野真率不失山林氣味者

野步過田舍留飲

吳蠶上簇桑柘空薔薇花開村徑紅野夫飽食一無事緩步  
小橋西復東黃鸝綠陰嗷不歇路轉卻逢田舍翁殺雞留飲



話疇昔葦箔稍稍來南風

偕丹邱先生過蕭山竹林寺醉題壁間

門徑蕭蕭竹半池喜逢新夏亦秋時長林不卧嵇中散古字  
猶存張卽之潮打山城鐘渡水雨飄經閣燕妨兒一尊除卻  
眞閒事醉裏瞿曇是阿師

盧儒 二首

儒字爲已崑山人天順初中書舍人有重齋稿

水東日記盧重齋博學能文善筆札文學韓柳書學  
歐顏自負甚高時流罕及  
梅花草堂集盧爲已勤學有文頗自負人有請其稿  
者輒捧腹曰彼中有笥卒難相盡以薦拜中書舍人  
時備顧問上嘗命作雪賦  
頃刻立就盡屈其同事者

樂靜爲謝庭循賦 二首

丙籤卷十

六

宴居坐軒屏翛然愜情志竹樹搖清風淅瀝生幽思埽花惜  
春還留尊須客至昨與靜者期山中話幽事

靜觀人間世萬化相尋繹百年倏能幾而不養心迹垂簾閉  
深清滿庭芳草積啼鳥時一聲山窗破幽寂

朱應祥 二首

應祥字岐鳳松江華亭人成化中貢生有鳳山稿

陸深儼山詩話鄉前輩朱岐鳳敏於辭翰爲一時所  
驚服

雲間雜識點易臺朱鳳山應祥讀書之所也朱性迂  
狂嘗謂錢文通公曰予在點易臺讀公詩至不善處  
恨不得長竿一擊公頭放言若此  
書史會要應祥博學工詩善行草

梅花道人墓

梅老清風不可招橡林寒日雨蕭蕭武塘一曲煙霏外山寺



鐘聲落暮潮

麟溪道中

一川流水半村花舊屋南隣是釣家長記歸篷載春釀雲籠

殘照雨鳴沙

朱存理 三首

存理字性甫長洲人有野航集

甫田集性甫詩精工雅潔務出新意得意處追躅古

人四友齋叢說野航葑門老儒在荻扁王氏教書與主

杯在手一年幾見月當頭喜極發狂大叫扣扉呼主

吳中善詩者賞之大為張具徵戲樂留連者數日吳

祝鞏金石契性甫書闕晉戶吟升宋堂

續吳先賢贊存理工篆籀

丙籤卷十

七

靜志居詩話性甫晚年慕刻已詩疏日嘔心少日已

無錦囊之才流淚終年空有碧雲之嘆髮白因其漉

後詩云孫莫若流傳先自朋友其情甚為可憫視希哲

題稿云雖正百篇諸體備不拘一律大方諧借乎其

田按性甫好藏書手自鈔錄精緻不苟又好祝鑿別

所輯鐵網珊瑚萬曆時為常熟趙璠美畫得增錄數

卷雍正中年希堯鏤板行又中瑯琊美畫得增錄數

以文史自娛南園俞氏笠澤盧氏廬山陳氏書籍金

石之富甲於海內景天田來若葉錢孔周文秀都元

章甫趙與哲之流多手自鈔寫流播人間余嘗謂博

雅收藏海內多有若手自鈔錄

人日即事

新雪生寒曉欲消河冰漸解晚生潮庭禽初啣先聞鵲園卉



將萌未及蕉故事題詩聊歲歲野人行樂自朝朝從渠寂寞  
如顏巷漫有春風酒一瓢

垂虹橋送戴明甫歸休甯

寶帶秋波啟別筵垂虹晚日送行船白雲似與越山隔明月  
還同吳地懸後夜相思各杯酒來年重會賸詩篇殷勤再寫  
橋頭景江冷丹楓歲暮天

九日松下

松下行行二三子書聲白晝草堂開老夫把卷仍自讀舊雨  
到門今不來苔石無塵棋局在莎汀有水釣船回秋風籬落  
偏蕭索獨嗅寒花持酒杯

丙籤卷十



丙籤

秦旭 七首

旭字景陽無錫人有修敬先生集

田按景陽詩境閒適讀之令人意遠成化王寅與陸  
 勉懋成高直惟清陳履天澤黃祿公福楊理叔理李  
 庶舜明陳懋行之施廉彥清潘緒繼芳修碧山吟社  
 於惠山之麓若冰洞之前黃公澗之上時舜明年八  
 十九景陽八十五天澤八十三懋成八十二惟清七  
 十九公祿七十三叔理七十二行之入社諸人皆清六  
 十一繼芳年未五十重其人邀之入社諸人皆清六  
 隱君子惟景陽以子夔貴封江西布政使其會惟論  
 詩詩成有燕榖核數盤飯一盃酒入九行而已中間  
 秋林陳進之歸自工部水壑盛時望歸自都臺景陽  
 子夔歸自江藩亦時時一至不在恆數於時朝野清  
 娛從容吟宴於林壑之下沈啟南為之圖邵國賢紀

丙籤卷十一

傷春詞柬繼芳

其事吳匏菴寄題吟社詩云詩壇高築壬寅歲勝事  
 遙傳大厯年買地有賞酬野衲品泉無譜問茶仙樹  
 藏亭子清風裏路繞雲根小洞邊廣倡願隨諸老後  
 結盟遲我賦歸田王思軒寄詩云少游何處開吟社  
 借得西神數畝山一代衣冠追洛下千金詞賦播人  
 間其為搢紳傾慕如此

去年已賦傷春曲曾與潘郎歌斷續細雨梨花爛漫愁東風  
 楊柳淒迷綠今年又賦傷春詩燒燈華屋雨絲絲天公歲歲  
 能作惡偏在春光最好時

寄華祖芳隱君

簾幙捲斜曛沈香手自焚高風振頽俗幽思發清文鶴外看  
 湖草鷗邊步野雲年來厭形役自愧不如君

過玉溪山墅



衡門水木恣清華路轉西巖隱幾家五月涼陰千畝竹六時  
清供一甌茶行逢流水聞僧梵吟到斜陽落磻花自信俗緣  
消已盡不勞千劫謾蒸沙

### 水雲亭小酌

吏隱南塘小結亭此心何愧北山靈壺觴自可消孤悶魚鳥  
還能慰獨醒風景只如桃葉渡秋光欲動蓼花汀簷前昨夜  
微風起吹落蘭苕翡翠翎

### 與懋成惟清公祿叔理舜明山行歸途有作

落梅風急放湖船六客逍遙是散仙雪白河豚新入饌鵝黃  
楊柳未成綿松菴相地開詩社花市留衣當酒錢寄語諸公  
慎終始莫因勤怠誤流年

### 丙籤卷十一

二

田按松菴相地開詩社此景暘紀首開碧山吟社作  
也社中諸人詩附錄於此陸懋成花朝開社句云修  
竹茂林思往事雨香雲淡屬花朝陳天澤重陽日社  
中諸老登高句云尊前黃菊未堪把樹杪清泉時自  
聲黃公祿吟社開宴句云酒籌不計看花飲詩句將  
成爲兩催高惟清社集詩云池亭面面遠朱闌每月  
探泉到碧山樂事還尋諸老共浮生能得幾時閒行  
廚送饌來花外嘯鳥催詩出樹間扶醉登舟天已暮  
月明湖上  
放歌還

### 舟中紀興

東風兩鬢雪璦珍一枕蘭舟酒半酣不似邵菴處學士杏花

春雨憶江南

### 題梅花菴

孤山山上月明多長憶西湖瑪瑙坡安得扁舟吹短笛梅花  
香裏一經過



陳懋一首

懋字行之無錫人有錫谷集碧山十老之一

題小蓬瀛軒

澗頭綠水流花淨谷口青林送客涼銀鶴舞空秋淡淡玉笙吹月夜茫茫

施廉一首

廉字彥清無錫人碧山十老之一

自題山莊

深深鑿渠低覆梁流水入戶桃花香野人朝來足清睡時有黃鸝過短牆

吳文鳳一首

丙籤卷十一

三

吳文鳳字以翔歙人

竹居自題

杲溪幽致類湘潭一榻清陰六月寒睡起好懷何處著綠雲遮斷曲闌干

甘應奎一首

應奎江甯人成化中貢生除嘉興訓導改龍南教諭

吳日讀陶詩

淵明苦邑令高吟歸去來五斗腰不折乃爲乞食哀昨非與今是俗子徒驚猜南山不改色落我手中杯

陸潤玉三首

潤玉字尚質松江華亭人有夢庵集



富林十景 錄二

風驅海門潮晴添八灣漲老漁棹歌回籬根繫吳榜  
歸舟泝橫浦日落風更急峭帆十幅蒲半帶荒煙濕

重過沙河有感

白鶴沙頭水自波扁舟曾載夕陽過東風一路蘼蕪綠添得  
春愁別後多

龍瑄 二首

瑄字克溫宜春人僑寓金陵有鴻泥集二十卷

江西詩徵宜春龍瑄以世襲武職遂為金陵人與邱仲深羅舜正陳公甫為布衣交有聲江湖間自號半間居士  
田按鴻泥集著錄明史藝文志詩綜未錄一字克溫為景天間一詩家亟登之

丙籤卷十一

四

平樂府

淒淒煙雨嶺南天翠壁青林斷復連山縣總荒兵火後士民  
猶住賊巢邊車筒晝夜翻江水刀具春秋種石田幸際時和  
太平日不須雞骨預占年

荆山鄉思

驛廳長晝思依依坐看晴檐柳絮飛斜日鳥呼春不住東風  
雁比客先歸山程迢遞淹征轡野水微茫夢鈎磯卻憶舊居  
江口寺兩香蘋藻鱗魚肥

趙不踰 一首

不踰字秉規順德人有迎西館集

珠海別意



落葉微霜古寺秋行人臨發重遲留離情未盡重斟酒歸興  
都隨一葉舟殘月斷後江上路夕陽紅樹驛邊樓明朝獨倚  
河橋望人自相思水自流

劉常一首

常字世經海鹽人有武原集

青樓怨

綠楊飛絮撲簾輕百結愁腸夜轉生斜抱銀箏對明月十三  
絃裏最關情

祝淇一首

淇字汝淵海甯人

雜題

丙籤卷十一

五

東風楊柳拂春隄煙靄陰陰野鳥啼金谷日斜歌舞散海棠  
無主草萋萋

賀承一首

承字宗振蘇州人

山居圖爲薛竹菴賦

高隱優游遠俗諱竹籬茅屋半雲遮山田種秫堪供釀石澗  
分泉自煮茶細草生香春正煖長松過影日初斜庭前更有  
梅兼鶴彷彿西湖處士家

羅頤一首

頤字儀甫紹興山陰人

田披山陰羅氏三世稱詩儀甫特爲穎出



湖上

東山志不違幽澗朮苗肥野樹翻鴉響岩花撲燕飛湖晴林  
岫出水澗渚村微笑謝紅塵客休過阮裕磯

送下洋客

積水連檣香煙濤絕域均星杓插天漢日月轉雙輪地坼炎  
洲迴山橫昧谷隣岩雞半夜曉海樹隔年春五色翻鯨浪三  
花渡鶴津鄉心看斗近旅夢怯潮頻燈遠明南極舟移按北  
辰刀書蕃俗古行說上皇民

劉銳一首

銳字汝忠壽光大學士翊子八歲憲宗召見除中

書舍人累官太常卿兼五經博士有西橋集

丙籤卷十一

六

國史雖疑劉文和翊子銳甫入歲召入拜起如禮善  
屬對授中書舍人慮牙牌觸損以銀易之仍不時召  
見銳後博學多識官太常卿駕朝陵有御制詩用康  
字諸臣屬和一律銳獨引遺塚存康事云成祖詔斥  
陵旁塚惟留寶禧康三姓信奇聞也  
田按汝忠早慧年八歲泰陵召見除中書舍人宮殿  
門高同官揚一清常提之出入能詩  
與邊華泉何大復相倡和惜集不傳

同無涯大復待月次韻

一笑留君未盡歡試呼明月此憑欄豈應銀漢遙相隔正恐  
瓊樓不奈寒青眼百年知已在枯桐何處賞音難莫慚草閣  
荒涼甚多少明珠照筆端

孔克晏一首

克晏曲阜人孔子五十六代孫

雨後望嶧山



山色平明看雨餘，秋正濃滿前青。突兀幾朵翠芙蓉，烏落懸崖樹，雲開對面峯。當年頌功石，苔蘚辨秦封。

陳延齡 一首

延齡初名壽，字昌年，嘉興人。景天間郡掾，史有松雲集。

集

早春曲

柳芽吐玉蘭芽小，羅幕凝寒。覺春早，腸斷王孫尚未歸。東風已綠天涯草，筵篔簹塵滿瓊簫。臥熏籠聞熱沈香火，惱儂題就抱愁眠，淚滴珊瑚暗成顆。

鄭延 二首

延字世昌，海鹽人。以貢授廣東市舶提舉，有存笥集。

丙籤卷十一

七

墨竹

零亂金錯刀，參差鳳凰尾。翠影落湘潭，秋風吹不起。

回雁

片影橫斜不作行，數聲嘹唳度衡陽。夜寒沙渚清無夢，啄盡黃蘆葉上霜。

史傑 四首

傑字孟哲，湖州人。大河衛百戶，有韞縠集。

沐陽郭外訪克禮

公暇多幽興，來尋處士家。柳陰晴障日，花氣煖蒸霞。地接青郊迥，門臨小徑斜。主人能愛客，汲水煮新茶。

挽陳處士



買斷溪山遠避名白雲常日護茅亭老來不試屠龍技死去  
惟存相鶴經階下苔痕空自綠簾前芳草爲誰青路人欲問  
平生事光照幽阡太史銘

過曲阜謁孔廟

巍巍萬古靈光殿碧瓦朱甍炫彩霞留得手栽千尺檜綠雲  
長護魯東家

贈謙上人

踏破苔花滿徑斑遠尋蘭若向溪山高僧自得無生趣門掩  
松陰盡日閒

李仲訓一首

仲訓號峴山南昌人官吏科給事中

丙籤卷十一

八

西皋詞

吳一式一首

流水小橋楊柳短牆深巷桃花魚子晴生墨沼鶯聲煖隔窗

吳一式一首

春宮詞

百轉流鶯曉禁中夢回驚起錦幃空轟雷何處宮車過獨對

桃花

鍾一首

田按禧號狂客成化間盛有詩名張東海寄狂客詩  
云狂客別來音信無定應騎馬入皇都嶺南儘有佳



山水莫向君  
王乞鑑湖

和友人招遊西湖 二首

湖光山色最宜秋君不來招也去遊已辦蜀川千丈錦爲誰  
今日盡纏頭

萬頃西湖水貼天芙蓉楊柳亂秋煙湖邊爲問山多少每箇  
峯頭住一年

丙籤卷十一

九

平頭掛一竿

西風西湖水秋天芙蓉楊柳亂秋煙湖邊爲問山多少每箇  
峯頭住一年

湖光山色最宜秋君不來招也去遊已辦蜀川千丈錦爲誰  
今日盡纏頭

和友人招遊西湖

山水莫向君  
王乞鑑湖



明詩紀事

貴陽陳 田輯

丙籤

秦夔 五首

夔字廷韶無錫人處士旭子天順庚辰進士授南兵部主事歷郎中出為武昌知府改建昌累遷江西右

布政使有五峯遺稿

田按廷韶為處士景陽子景陽結碧山吟社廷韶與弟且爽亦稱詩可謂一家韻事致政歸築五峯草堂於九龍山下率二弟奉景陽遊衍其間登山臨水歌咏繼作如是者蓋數十年享士夫清曠之福為一時所僅見云

題陳秋林畫松

丙籤卷十二

一

千年老髯冰雪顏欹側偃卧寒厓間劃然悲風起長谷化作龍吟秋滿山太邱先生畫成癖寫此甯吝百金直披圖一笑成嘿然海鶴飛來破秋色

秋日與同官登從姑閣

野寺孤城外登臨眼界寬江山正搖落樓閣自高寒清梵雲間出幽泉石上看同遊皆俊彥樽酒且盤桓

陪任憲副遊麻源第三谷

霜臺先生老詞伯攜我同上蓬萊宮寒巖古樹棲一鶴石竇飛泉垂兩虹山中日月可不老洞口桃花常自紅神仙有無何足說獨立滄江懷魯公

次楊郎中叔獻分賦陸墟別業



文筆峯前湖水西幽棲地僻少輪蹄花間穉子坐垂釣竹外  
老翁行灌畦酒熟漫拚金谷飲詩成先許錦箋題已聞孫笪  
如蓬賤更說雕胡似掌齊

小瀛洲爲思軒內翰題

金鯽池邊結草堂畫闌干外卽滄浪花枝照眼錦雲亂竹影  
滿庭蒼雪涼菴畫湖山常對酒芙蓉窗戶漫焚香由來翰苑  
非人境何必求仙問渺茫

秦旦 一首

旦字永孚夔弟

春日言志

今日一何好園林競芳菲好風從東來飄飄吹我衣持此一

丙籤卷十二

二

壺酒對景斟酌之願言且爲樂沒後非所知悠悠柴桑翁千  
載同襟期

惠山留宿瑤上人房

寺古門常掩僧貧飯每遲石林剎米字塵壁掩唐詩曲徑松  
杉老荒庭橘柚垂九龍山色好相對一支頤

秦夷 二首

夷字仲孚旦弟有滌煩亭稿

靜志居詩話仲孚爲修敬封公季子封公暴中心痛  
仲孚刺血於胸和酒飲之母股恭人膝傷吮之而愈  
郡縣上其事詔旌其門曰孝子秦陵卽作賜以冠帶  
嘗作溪山清興堂清遠閣結亭於後圃顏曰滌煩九  
日詩云抱病忽聞佳節至獨攜藜杖強登臨黃花笑  
我容還瘦綠酒盈樽手自斟處辭巢知社燕家家  
悲杵送秋音不堪覽鏡頭如雪折得好枝懶去簪次  
日得疾不起其詩較父兄別裁體格頗有清疎之氣



雨窗閒賦

茅屋松窗小隱家一灣流水抱門斜後園昨夜多風雨零落海棠無數花

寫畫贈鎬姪

雨餘溪水漫溶溶綠樹陰中繫短篷一曲滄浪人不見釣絲輕颺白蘋風

陳焯 一首

焯字文厚閩人有棲雲集

九月八日值雨

五日日天氣清故故重九陰雲生隣家貰得一壺酒恐負明朝花下行

丙籤卷十二

陳炷 一首

炷字文用焯弟成化戊戌進士除監察御史出爲浙江按察僉事有留餘稿

題畫

老樹懸崖葉半秋草亭三面枕寒流釣船歸去斜陽沒惟有青山對白鷗

樊阜 八首

阜字時登縉雲人成化戊子舉人官延平訓導

田按時登集樊氏詩爲樊山集乞吳匏菴序今不見傳本余閱曹石倉歷代詩選有樊氏摘稿一卷時登最爲傑出五言如夕陽雨外明溪上山色好棗花落靡靡一犬護柴關七言如夕陽半落山迴影蹇驢一老尋詩還人家三兩溪南村桃李成行門對門石門晴雪落松響沙島寒雲壓竹低半簾暝色松杉靜一



筋春香笋蕨肥山迴薄嶺牛歸後江變新寒雁過時  
廚煙著樹添嵐翠野水歸塘亂瀑聲  
眠色催人詩欲就一聲沙鳥半溪雲橋西有客航  
詩癖買徧青山種白雲皆佳句也

靈峯嶺道中

嶺路青林杪盤迴出亂雲寺樓當陽見野碓隔溪聞屐澗苔  
花積衣香藥草熏崖陰仙洞在遙見鹿麋羣

登觀音閣和前韻

維摩高閣起層層駐馬空門試一登雙嶂濕雲寒閣雨半巖  
枯樹倒懸藤鶴行松逕迎來客爰坐蒲團伴病僧浮世茫茫  
如夢幻甯須弔古淚沾膺

醉中到白厓而歸

往事無憑一夢空悠悠歧路任西東菊花向晚應嫌雨梧葉  
經秋不耐風自笑長貧仍作客誰憐多病欲成翁青山斷處  
孤城在一片砧聲夕照中

西風吹雨收竹屋雲陰散老鶴劃然鳴月上青山半

春日偶成

硯池香沁墨雲乾酒醒無情懶著冠燕子歸遲春欲盡落花  
吹雨小樓寒

寒夜

破屋難禁深夜雨布衾寒濕半窗雲愁來自起推窗看人比  
梅花瘦幾分

過村家



細莎村路繞山斜澗水西頭一兩家桑柘葉乾鳩雨歇茅檐  
索索響纜車

題東坡墨竹

赤壁歸來燕寢香夢騎立鶴過三湘玉簫喚醒月初墮雲影

滿簾秋氣涼

樊昌一首

送別次韻

樊昌字友菊縉雲人有友菊詩

匹馬對尊酒送君歸穎川暮雲深戀樹春草遠連天故國幾  
千里他鄉一兩年何時復相見去住各潸然

樊鐸一首

丙籤卷十二

五

樊鐸字伯廣縉雲人有畏齋存稿

千里菱道驛遇姚子卿  
岸柳依依白日斜新巢語燕野人家舊時姚合題詩興次第

春風數落花

莫藏一首

莫藏字用行海鹽人有素軒佩鱗二集

張甯方洲集莫藏作墨花清潤可喜  
橋李詩繫莫用水仙皆可愛送鄭東谷之廣東詩津  
章繪花木蟲魚用行工詩文及真草篆隸諸體鐫古印  
宋瑩題頭賞酒桐花落馬首看山荔子垂可稱警句

秋日書懷寄崔總戎

河橋一別柳初垂又見黃花滿故籬落日江樓王粲賦秋風  
茅屋杜陵詩關山遠望天連樹歲月無情鬢欲絲見說東南



烽火靜轅門可是晏眠時

莫遯一首

遯字用嘉藏弟

後首補遺卷五錄

過故人舊居

幽居寂寂掩柴扉  
碧草荒煙鎖翠微  
前度故人何處住  
舊家燕子傍誰飛  
鳥嘯深院傷瑤瑟  
花落空階護薜衣  
回首不堪嗟往事  
夕陽門外曳筇歸

吳鑽五首

鑽詩綜誤作鑽今據吳氏傳家集正之

字希聲歙人有月溪集十五卷

田按希聲編吳氏世集自唐左臺御史少微始至明止月溪詩亦清爽

春暮溪行

丙籤卷十二

六

旬月坐岑寂  
溪邊偶杖藜  
雨來雲又合  
春去鳥空嘯  
生草綠平野  
落花紅滿蹊  
無人知我意  
寓景自成題

題畫四首

舟泊烏石灘  
人家白沙埠  
春歸人未歸  
離情滿芳杜  
潦盡千尋碧  
山青一髮微  
詩翁機已息  
何事鳥驚飛  
詩思入秋清  
嵐光翠如黛  
屋在青山中  
人歸白雲外  
花老已辭春  
林陰似夏埽  
石坐看雲鷗  
來伴清暇

吳元鑑一首

元鑑字希明鑽弟有醉漁集五卷

題菊潭姪畫

近山崢嶸何嵯峨  
遠山淡淡如雲拖  
嵐光過雨自飛動  
直下



寒潭生白波石橋橋北林邊路有客攜琴向何處人家籬落  
如桃源一夜東風花滿樹絕愛阿咸筆力優意匠不下顧虎  
頭吟對斯圖想吳越放舟便欲湖中遊

青山吳信

二首

黃詩信字思復吳人有柚莊稿山居雜詠無送川風飄送  
寄李守恭

月上梅梢瘦影斜黃昏曾記到君家板橋曲徑孤邨裏茅屋  
疏籬淺水涯石鼎細香焚柏子瓦瓶新釀出松花別來只訝  
春風夢重到無由歲月賒

山中述異

禹穴蛟人冰雪軀水晶絡臂錦襜褕昨朝忽見南湖市來賣

丙籤卷十二

七

雙明月珠

吳敏

春風發敏字思德信弟

田按思德兄思復號柚莊有柚莊詩稿詩綜誤  
以柚莊作思德號據席珩湖山靈秀集正之

九月八日直河微雨

風煙淩其暗洲渚明日重陽今日雨牀頭綠酒惜空尊籬下  
黃花恨無主犬吠雞鳴近直河楚州東去路無多川原曠莽  
青山少無虛登高可奈何

漳秋竹枝歌

金線鋪前河水深河流如帶草如鍼居民多在鋪邊住椿樹  
重重高十尋



答翁明德

輕橈搖曳白鷗羣  
載酒看山每共君  
夢斷具區煙雨裏  
荷花菱葉自紛紛

丙籤卷十二

八



